


援古證今華之精當使事必求來歷辨端必有確據上而
持詞書畫下而街談巷語以若燕魚禽獸之屬靡勿廣搜窮
究自非博綜羣籍獨抒己見而不為舊說所勝者不能辨此
刊以行世可與隨園隨筆陸隴叢考諸書並垂不朽矣甲午
莫春同邑愚弟何其偉識



格語

虞翻與弟云。長子容當為求婦。遠求小姓。足使生子。天其福人。不在貴族。芝艸無根。醴泉無源。

嵇康家訓云。立身當清遠。若有煩惱。當謙詞以謝。若有怨急。心所不忍。可外違拒。容為濟之。凡事自先自審。其可宜行此事。而人欲易之。當說宜易之理。若使彼語殊佳。勿羞折。遂非也。若其理不足。而更以情求。當堅執所守。不瀕行小。束修之意。氣若見窮乏。而有可以賑濟者。便見義而作。或有小是不足。是小非不足。非竟可不言。以待之。就有人問。猶當辭以不解。議論亦狀若會酒坐。見人爭語。其形勢似欲轉盛。便當急舍去之。此將闕

國家圖書館, NATIONAL CENTRAL LIBRARY, TAIWAN, R.O.C.



之飛也。外榮華則少欲。自非至意。急終無求欲。不須作小。卑恭當大。謙裕不須作小。庶恥當全。大讓若見竊語。便舍起。勿使忌也。若其言邪險。則當正氣以道義正之。何者。君子不容偽薄之言。故也。一旦事敗。便言某甲。昔知不須強勸人。酒自醉。醺醺便止。慎不當至醉。不能自裁也。

顏推之家訓云。父子之嚴。不可以狎。骨肉之愛。不可以簡。則慈孝不接。狎則怠慢生焉。

兄弟之際。異于他人。望深則易怨。地親則易釁。壁猶居室。一穴則塞之。一隙則塗之。則無頽毀之慮。如雀鼠之不卹。風雨之不防。壁陷楹淪。無可救矣。僕妾之為鼠雀。妻子之為風雨。甚哉。

梁朝前盛之時。貴游子弟。無不燠衣剝面。駕長簷車。跟高齒屐。坐碁子方褥。憑班師隱囊。列玩器于左右。送客出入望。若神仙。

明經求第。則預人卷第。三九公譏。則假手賦詩。當爾時。亦快士也。自荒亂以來。諸見俘虜。雖百世小人。知讀論語孝經者。尚為人師。雖十世冠冕。不曉書記者。莫不耕田養馬。以此觀之。安可不自勉耶。父兄不可常依。鄉國不可常保。一旦流離。無人在蔭。當自求諸身耳。

駱賓王與程將軍云。詞翰為行已外編。文章是立身歧路。

司馬溫公訓儉示子康云。吾本寒家。世以清白相承。吾性不喜華靡。自為乳兒。長者加以金銀華美之服。輒羞棄去之。二十忝科名。晏獨不戴花。同年曰。君賜不可違也。乃簪一花。平生衣服取蔽寒食。取充腹。亦不敢服垢弊以矯俗干名。但順吾性而已。近歲風俗。尤為侈靡。走卒類士服。農夫躡絲履。吾記天聖中。先公為郡牧判官。客至未嘗不置酒。或三行五行。多不過七行。酒

酷于市果止于梨栗棗柿之類。肴止于脯醢菜羹。器用瓦漆。當時士大夫家皆然。人不相非也。會數而禮勤。物薄而情厚。近日士大夫家。酒非內法。果肴非遠方珍異。食非多品。器血非滿案。不敢會賓友。常數月營聚。狀後敢發書。苟或不狀。人爭以為鄙吝。故不隨俗靡者鮮矣。張文節公曰。人情由儉入奢。易由奢入儉難。吾今日之俸。豈能常存。一旦異于今日。家人習奢已久。不能頓儉。必致失所。豈若吾居位去位。身存身亡。常如一日乎。嗚呼。儉德之共也。侈則多欲。君子則貪慕富貴。枉道速禍。小人則多求妄用。敗家喪身。是以居官必賄。居鄉必盜。故曰。侈惡之大也。近世寇萊公。豪侈冠一時。以功業大人。莫之非。子孫習其家風。今多貧困。聊舉以訓汝。

東坡書于雪堂云。臺榭如富貴時。至則有州。木如名節。久而後成。語絕有味。

王陽明答何愈憲云。人之是非毀譽。如水之濕。如火之熱。久之必見。豈能終掩其是。故有其事。不可辯也。無其事。不必辯也。無其事而辯之。是自謗也。有其事而辯之。是益增己之惡。而甚人之怒也。皆非所以自修而平物也。惟宜安靜自處。以聽其來。

素了凡與陳穎亭云。我輩平日辛勤刻苦。為子孫創業者。死來皆用不着。所可待以瞑目而釋然無憾者。惟此修德行事義之事而已。大抵人受命于天。生來之福有限。積來之福無窮。張悅與友論養生云。節飲食以養其神。節嗜慾以定心氣。午後飲食宜少。不以脾胃熱。生物煖冷物。不以元氣佐。喜怒心一萌。當思禮義以制之。夏至節嗜慾。冬至禁嗜慾。嗜慾四時皆損人。但二至陰陽分之時。尤損人耳。第能于怒時。遽忘其怒。而觀理之是非。亦可見外誘之不足怒。而于道思過半矣。人能于病中

移其心如對君父。謹之畏之。靜久自愈。

王荆石與李及泉云。凡事有餘快。必有餘憂。壯陽之下。一陰潛起。不可不早計也。

馮琢菴答王荆石云。天下未嘗無事也。事之初起。往々甚小。因議而漸大。因爭而益大。事已觀之。又甚小。故善處事者。大事當使之小。濃事當使之淡。即漸無事矣。

又與趙定宇云。諸君子貪見治平風。利拽滿帆。橈便且一息千里。此可賀。亦可憂。凡吾輩十分如意。則傍人決有十二分不如意。

屠長卿與錢次卿云。四壁蕭然。一絲不掛。氣體怡曠。心骨冷寂。名為清福。火坑之人。得志則不勝盈汰。失意則無限淒涼。政不弗免世之纓緋矣。須於榮艷時。立定脚跟。不作榮艷想。狀後豐約。

宣齊視若郵傳

王弼州東徐子與云。山栖是樂事。稍一營。戀則亦市朝書面。賞鑒是雅事。稍一貪。癡則亦賈杯酒。是樂事。稍一徇人。則亦地獄。好客是豁達事。一為俗子所撓。則亦苦海。

張翰荆與色。兩江云。做官當如將軍對敵。做人當如處子防身。將軍失機。則一敗塗地。處子失節。則萬事瓦裂。可不慎哉。

盛鑑候與洪五湖云。丈夫熱血有限。甚勿浪用。當努力黃沙白草地。面使之送。須下出。切莫落在翠裙鴛袖手中。使之送。口裡出也。

湯若士與無去上人云。秋淨尚圖借一臂。袈裟地。聽龍門說法也。四香戒。如上。不亂財。手香不淫色。體香不誑訟。口香不嫉害。心香常奉四香戒。于世得安樂。

復愚谷云。大抵吾輩落騷雅二字。則讀書之不洗心。落意氣二字。則交游之不淨口。

中郎東友座右銘云。怒是爾猛虎。怒是爾深淵。功名是爾沸湯。勤思是爾礪礪。爾一不避。烏能爾免。唐嚴遂座右銘曰。殘酷

者。絕世之殃。深戲者。殫家之塹。嗜酒者。窮餒之藪。忠孝者。富貴之門。節儉者。不竭之源。

王陽明東友云。一箇塵字。昏了諸多人。吾輩最忌此塵字。不去社名。可曰掃塵。已後心上塵。口上塵。筆上塵。世路塵。都要掃却。

屠赤水荅王惟寅云。足下住淮清渡口。烟銷月出。水綠霞紅。距風沙之地。萬里而書來侘傺。殊不自淨。何也。大都士貴取心閱境。不貴取境。真心此中。蕭然則塵境自寓。清虛內境。煩囂則幽居。亦有龐雜。足下以為狀否。

元來世界無病。生于人心。以情揖境。何俗不雅。以境移情。何雅不俗。

楊耕山與繼津云。欲幹天下之事。當思如何下手。如何收。然事成如何。結果不成。落何名目。死生雖不計。畢竟果不徒死否。

與錢受之云。國軸之變。幻家鄉之紛拏。且端坐冷眼觀之。俠客之不如英雄者。決客動而英雄靜也。英雄之不如聖賢者。英雄

險而聖賢穩也。若置身靜穩中。即鬼神造化。奈何不淨。况目前餘子哉。

祝無功與廣文云。隨緣盡心于人。未必無所濟。真見不可飄。狀作避世之士。未晚不狀。情景不適。身心為讐。不火自焦。無繩自縛。未有其樂。且先如其苦矣。

靜坐狀。後平日之氣浮。守默狀。後平日之言踈。省事狀。後平日

日之費閒。閉戶狀。後平日之交濫。寡欲狀。後平日之病多。近情然。後知平日之念刻。

凡情留不盡之意。則味淡。凡興留不盡之意。則趣多。
事當快意時。須轉言。當快意時。須住。當得意時。須尋一條退
路。當失意時。須尋一條出路。

大抵靜坐寡慾。自可延年。譬如爐火。置風中。則易滅。置靜室。則
難燼。此是定理。至樂莫如讀書。至要莫如教子。

有一樂境界。便有一不樂的相對待。有一好光景。便有一不好的
相乘除。只是尋常茶飯。寔地風光。纔是個安樂窩。

人不能受言者。不可妄語一言。山谷語

有一言而傷天地之和。一事而折終身之福者。切須檢點。

勢利之交。難以經遠。士之相知。溫不增華。寒不改葉。貫四時而

不衰。歷夷險而益固。

事惟取其與世相澆。則足以自安。

荅東坡荅趙晦之云。示諭處難。患難不戚。只是愚人無心肝。
耳。與鹿豕木石何異。所謂道者。何曾夢見。又曰。聖人之心。如

珠在淵。常人之心如瓢在水。

馮曾樞東項明父云。白雲司澄。如秋水。閉門靜坐。無事櫻懷。但
靜中又起一段思想。難。釋氏所謂魔也。欲持定力降之。未能。

先儒謂存心求靜。即動良然良狀。

鄒守益與李克齋云。拜手教。其曰竹樹林塘。交呈道趣。花香鳥
語。互發幽襟。真超然鍾鼎之外。然莫是猶倚于境否。假若金革。

百萬簿書。堆積道味。幽襟亦有增損耶。

袁中郎復友云。里有人焉。家藏教金。恐為穿窬所得。防之甚密。
慮之甚切。魂夢驚戰。寢食不甘。眉眼作跳。頃刻而頽。衛者教四。

他有造有遠行。欣然囊佩而出。又暮歸。索之囊中。竟不知失之。
六

何方道旁矣。天下事大都類是。

又與李子髯云：人情必有所寄。然後能樂。故有以矣為寄，有以色為寄，有以技為寄，有以文為寄。古之達人，高人一層，只是他情有所寄，不肯浮泛虛度光陰。每見無寄之人，終日忙，如有所失，無事而憂，對景不樂，即自家亦不知是何緣故。這便是一座活地獄。更說甚銅牀鐵柱，刀山劍樹也。

屠者水與秦君陽曰：世界事偶然而聚，偶狀而散。聚不知所自來，散不知所往。海涸空花，都無堅牢形骸。軀殼生豈一人，大地山河今豈一主。當其得來，怡然而喜；及其失去，悄然而悲。一旦形散神離，得失何物？浪憂浪喜，總屬妄回。譬如夢得寶珠，覺不在守手，夢離其及，寤乃虛怖。漢祖、唐宗，竭英雄一身精力，收拾散亡，山河入掌，受用幾何？轉盼烟冷，捐棄宮掖，拋擲江山，即黃金為棺，寶玉為殉，與誰。白骨了不相關。生前得失，浪生憂喜。

時移事往，祇有悲涼人方。憂喜之中，不暇論到悲涼之境，稍一提，省回頭萬念灰矣。

世間一大戲場，中悲歎離合身犯戲耳，自有個真我切認細認。

劉達生東余集生云：世間極認真曰做官，極虛幻事曰做戲。而弟竊思甚：每于場中見歌哭笑罵，打諢揶揄，便確認為真，不在所扮古人，而在此扮古人之戲子。一俱有父母妻兒，一俱要養家活口，一俱以笑哭科諢養父母活妻兒。此戲子乃真古人也。又每自于頂冠束帶，粧模做樣之際，確然自道：真官，天下亦無一人疑我為戲子者。正不知打恭看坐，懽容笑口，與夫作色正容，凜然莫敢犯之官人，寔即此養家活口做哭做笑之古人耳。乃拿定一戲場戲具，戲本戲腔，至五臟六腑全為戲用，而自亦不覺為真戲子。悲夫。

余大成卷劉達生云有友持莊子來問曰不知周之夢為蝴蝶只一句便足又看蝴蝶之夢為周一句恐只是影襯語沒甚意思予云一部南華精神全在此一句只說周夢為蝶何人不知只作影襯語解之亦可至蝶夢為周却照出個吾喪我來且如蘧、一周、目視之分明是我然豈我之為我耶只這青天白日蘧、然能講能說活潑、的莊周止算替蝴蝶做個夢耳何也周不嘗夢為蝴蝶乎此便明、是個蝴蝶那討莊周又安知莊周于青天白日做南華之時不是蝴蝶做夢之時耶待得蝴蝶夢醒時又那討莊周可惜把滿筭黃金和盤托出亂拋與人却不知識耳達生試參之

中郎與蘭澤雲澤兩并云外居深山寔享天宮之樂不可不知雙桂樹下酒甕如人樹皮如蟬黃山青色萬片飛來更不知有寒暑之異及人間愛別離之苦由此觀之雖得一官六當掉磬不顧明矣

達語

徐勉戒子云吾清明門宅前西邊施宜武寺既失西廡不復方幅意謂此亦逆旅舍耳何事須華怪時人謂是吾宅古往今來豪富繼踵高門甲第連閭洞房究其死矣定是誰室

東坡曰將至曲江船上灘歌劍撐篙者百指篙截石聲聲狀四顧皆濤瀨士無人色而吾作字不少衰何也吾更變態多矣置筆而起終不能作一事何如且作字乎

素石公與友云君寔承訣時肝腸如割自分終身不能消去今不過半月一至或十日一至矣因念病夫一旦捐館舍明日至

新好友向他。人言笑不知。尚有此老否。人生幻漚。安得非空。適把盞在手。連飲起舞。大呼大呼。吾兄或不能掃除。請作如是觀。元美與王承父云。足下所舉。大中時病。然能盡掃宿障。天如鳩。茶一切皆空。即使未鏟名根。大樹蟬蛸。任其採撼。後千百年。王承父無恙。僕亦無恙。此曹何為者。

與胡大叅云。撫柯擊石。洗盞濯纓。不知誰惠。誰魚。誰莊。誰蝶。功名蟻戰。毀譽蜩鳴。博不得真人。北窓一夢。

東坡答參寥云。某到貶所半年。凡百粗遣。更不能細說。大略似靈隱。天竺和尚。退院後。却在一箇小邨院子。折足。鑪中。糞。糞。米飯。吃便過一生也。得其餘。瘡。癩。病人。北方。何嘗不病。是病皆死。得人。何必瘡。氣。但苦無醫藥。京師國醫。手裡死漢尤多。參寥聞此一笑。當不復憂我也。

東坡遊松風亭云。縱步松風亭下。足力疲乏。思欲就林止息。望亭宇尚在木末。意謂是如何。得到良久。忽曰。此間有甚麼。歇不得處。由是如掛鉤之魚。忽得解脫。若人悟此。雖兵刃相持。鼓聲如雷霆。進則死敵。退則死法。當危廢時。也不妨。熟歌。

祝無功與友云。郡尊人委令乞詩。乞西多能之累人。如此且叮嚀。今日幸促吏部。無令醉甕頭。拋向無事田裡去。天欲雨。不雨。雨不出。旦晚間。足下早治。具作七十一株松。下主人。

黃幼元與張公亮云。以僕意謂公亮主人。無如陳雪灘者。雪灘一榻蕭然。第以吾黨集聚。筆硯無恙。便為佳况。稱正平。雖較薄。然不遜荀文若。陳長文。亦未為過傲也。

馮五明報盛伯子云。自芙蓉城歸過五松。無一物可入目。眼及

到余諫廷書舍前始見。幾點落花浮水面也。

屠緯真云：何以消上天之清風朗月酒盞詩筒，何以謝人世之覆雨翻雲。閉門高枕。

中郎與蕭允升云：泉石以水竹代絲肉，以鶯舌蛙吹代奇士，以蠹簡代舍。此無可閉懷。

洪五明與友云：弟生平愛讀古今書，以壯胆識。愛世間佳山水，以暢幽襟。愛與友圍棋作小戰場，見野人有擔當，不敢作尋常觀圖千秋大事業，不敢作目前局。

邀顧

謝安與支遁云：人生如寄耳。頃風流得意之事，殆為都盡。終日盛、觸事惆悵，惟逢君以來，以晤言消之。一日當千載耳。

王百穀與王弇州云：前旌何時入郡，幸一過臨。綠葵紫苧山中，不乏請為送者供。

破浪而來，即我苔蘚。籃輿昇來一罇，尤下雲窩蒼苔，甘心破長者職矣。

與王丹陽云：藍臺造冊，啟郡若台。送過謁幸，先期以報。移舟古松流水間，作片時西園中人，何如。

袁中郎與邱長孺云：近日游興發，否茂苑主人。雖無錢可贈客，子然尚有酒可醉。茶可飲，太湖一勺水可遊，洞庭一塊石可登，不大落莫也。如何如何。

譚世講寄劉寬我云：足下幸過我，海澄雖一拳地，猶能貯斗酒。醉君丹霞嶼中。

俞紹與友云。頃入山。課長鬚。犂春雲。志學老農意耳。石田雨足。艸榻雲深。真可傲殺王侯。足下何如。時過我。共作山窓佳話。王百穀與陳廣野云。望銀漢客星。乃與天孫俱渡。去吳門不三舍。近當就君平肆卜。文機石有無耳。門下幸一過臨。王生無為。擁傳疾驅。令王生冰明河可望。不可即也。

方玘東頃彥父云。茅屋去麻姑不遠。僕鋤月簑雲。仰看翠微言。念良友。愀然詩雲。第。分山雀。魏望佳人。分殊。來不知何日。鳳羽拂西江。令山農再聆九韶也。

居節與友云。春明千人石上。苔蘇欲流。高踪未破之。人世幾何。奈何長別。

百穀與屠長卿云。秋以為期。出金閨。東瞻紫氣。遮留送者。入山居。白雲紅樹。堪以奉享。

吳斗岳與陳伯子云。新夏州木扶疎。櫻子初熟。先生高卧。握黃庭。調白鶴。咏陶柴桑詩。較讐山川方物。真是葛天以上。不佞緣薄。竟不若林鳥時。咏金池。挹仙風。倘先生入城。幸過小齋。焚香林竹下。一了意。夢。每令蕙帳空。分鶴怨也。

孔頴之與友云。未得乘月蕩橈。訪足下武林溪上。悲。桃花流水。相與笑人。足下來我齋。頭停。聽月簫。踞放歌。白雲擁。琴清燈語。榻此情千古。

素中即寄友云。聞兄多病。想碌。不得安耳。來此齋中。一洗滌。何如。巴。不。來。香。名。煖。利。且。受。此。雲。態。風。光。

虞青霞與不偏云。經年不得仁兄把臂。夢境顛倒。每聞馬首欲南。白門松竹。喜有主人。奈何雲閣尚揜。恐猿雀怨耶。柳消金帳。底滋味。濃也。遲之遲之。

王元策與項明父云。九日之約。幸驅車早臨。得乘輿揮灑。把酒向秋風。高咏擲使聲振林。亦浮雲不流。豈不大快。

盛鏗侯與洪井子云。照晚照中見一林霜葉。半入烟裡。却把十年舊恨。併上眉頭。十年舊人推來眼底。盛生素饒熱腸。不堪此冷味。大兄亟來破我岑寂。

姚履素東項明父云。花簇錦屏。鳥沸歌管。觴行無筭。朱顏再配。此樂至今思之。小園惟有竹陰滿。屋池波漱。灑可能雙目。台丈不惜枉轡。弟當治果餌為茶椀之助。

謝頤

宗子相與潘子欽云。湖上幽棲。辱足下孤棹問渡。把卮酒而樂之。白雪放歌。青燈作賦。雲添鼓角。霜落蕙葭。奇語一出。夜色難收矣。

又與陸長庚云。溪上結廬。頻辱進艇。對落花之繡纈。坐明月以嘆息。

王偉與友云。閉戶荒郊。親惟雲鳥。忽荷清披拂。苔鮮一新。豈獨神情開滌。

訝不頤

湯若士與高旭元云。六年不見高卿。聞欲過我。殊慰。而久待不至。豈訪戴者偶興耶。吳越道中。春夏間。可作麗人行。時亦憶汝水釣人乎。

王夢澤卷劉儲秀云。聞旌節駐江干。冀返棹。必得板留野人理釣。臨江磨刀向鮮。晨起飭內治具。玉匙在膳。松桂含色。而執事又以間道直趨會城。雲雨虛無。延佇徒切。使我林壑無光。嬰壘見唾。世路莽蕩。再覩何日。

丁心淵與吳自如云。手教至。約為平泉之飲。掃松院一榻。以俟車音。寂然。竟忘虞人諾乎。遣力敬問。

錢文薦與李天瀛云。間者望氣。東南有美。不意青牛到閩。而不行車作信宿。面豈宜。城九醞。便能軹行。轍耶。今難俗。何至作華陰面孔。

報晤

王百穀寄鳳洲云。門下厭棄五濁。逍遙乎東海之濱。但令時人瞻白雲耳。寒潮如線。欲採非艤。一叩精廬。恐門下映竹。而窺非韻士也。不令見顏色。則僕興索然。同山陰雪矣。

素石公與湯隕陸云。弟以病得休。掛帆歸矣。每聞西湖之勝。欲杖藜一采。湖水可以當藥。青山可以健脾。逍遙林莽。歌枕巖壑。便不知春多少。參苓子矣。但不識閩門。令尹能辨青牛氣色。

否

鄭維真與聶侍御云。將訪王人于園亭間。詩篇交映。爐炕平分。其樂融也。何待雪後。放舟效山陰。呆老子乎。

素小倚寄蘇雲浦云。仁兄歸來。即擬走小龍湖領教。但繡斧新歸。自有一番應酬。俟小之便當鼓一棹。此中積懷萬斛。恨不得即傾倒也。至于滄暑。寔所不畏。得聆知己之談。說甚龍皮扇乎。虞邦譽與陳太疑云。且揚玉川數片。茶假君家。推青破我。孤悶况其掃竹以待。再作酸梅大逐客也。

姚世華與張孝廉云。昨夕踽步山河。竟成悵結。亟浮竹葉。消之恨不聞足下履屐聲。增此癖。明當走一騎。握足襟裾。

吳斗岳東苑并子云。足下講業巖山。松陰擁蓋。泉流響玉。即酷暑六生涼。山靈不逐客。當渡湖陟山柵。掃石趺坐。相與採浮丘。

邛訪玉成天風冉々自雲中下也。

王百穀與石明府云秋聲南邁當過公然鬚半白一題破蒼苔而後去不狀請投其轄。

王半偈與孫齊之云當挾麗人歌君樓中令虞山之雲過而不去預恐天寒日暮無如翠袖薄何耳。

叙失晤

王埶與何吾御云滿頭風雪回來似孟襄陽灞橋驢背上曾帶一枝春到石即欲躬候泥塗阻之俟稍爽即圖就教。

錢文薦寄孫子喬云間者行旌北指出我敝治不意弟有鄒城之行青牛已渡關而抱關主人無由一晤顏色徒想紫氣于流沙外不亦無緣甚耶。

屠志水與莫廷韓云客春過雲間即往叩沙亭乃足下紫之新安矣徒泛海上携得一片白雲碧霞祇今猶淋漓滿羅袖也。

謝翰

孔文舉遺張綏云前承手筆多舉篇見字欣狀獨笑如復覩其人。

白樂天與元九云覽足下書開卷得意忽如會面心所蓄者便欲快言往自疑不知相去萬里也。

秦鳳樓與凌稚哲云梅雨兼旬枯坐小堂寂如老衲洞人忽報華函至空谷聞音雖然喜知。

楊用脩答李中麓云得佳詞喜慰無極去天萬里坐蠻烟瘴雨中空谷足音不可得况大雅君子之好音下墜耶。

谷項明府云新暑灼人賴青萍之末少浣之得手教又清凉臺飛雪矣。

凌約言與友云。夢中正不識路。忽報翰及。鍾雲江月如對春溫。
訝無翰。

王百穀與顧益卿云。薊北六在人間。遂無飛鴻耶。奈何遽忘王
生。豈復有一峰回雁耶。足下故非公孫子陽軍書。雖旁午豈無
記室如陳琳輩。其故不可知。

又與友云。不承休問。遂久。鶴音鳳吹。安得天風吹下乎。

又與友云。頃將猶子入金由^陵二十日。三宿阿蘭若。五醉枇杷葉。舊
姬家。畏頭上進賢。如猛虎在山。公以為有頭陀行乎。無也。衡陽
在上。武昌在下。一羽一鱗。公也無斬。

王廷陳與魏軫野云。聚首不覺樂。離析既久。則覺愴悵。而足下
曾不一字及相慰耶。

魏

崔氏答張生云。玉環一枚。是兒嬰年所弄。寄充君子下髻之佩。
玉取其堅潔不移。環取始終不絕。兼亂絲一絢。文竹茶碾子一
枚。此數物不足見珍。意者欲君子如玉之貞。漱志如環不解。淚
痕在竹。愁緒縈絲。因物達誠。水以為好耳。幽憤所鍾。千里神合。
春風多厲。強飯為佳。

東坡與賈耘老云。今日舟中無他事。十指如懸槌。適有人致嘉
酒。遂獨飲一杯。醺然竟醉。念西貝處士貧甚。無以慰其意。乃為作
怪石古木一紙。每遇飢時。輒以開看。遂能飽人。否若吳興有好
事者。能為君月。致米三石。酒二斛。終君之世者。便以此贈之。不
爾可。令雙荷葉。收掌湔添。以付之也。

又與鞠持正云。兩日薄有秋風。想起居住佳勝。蜀人蒲湧昇臨孫
知微水圖。四面頗為雄爽。杜子美所謂白波吹素壁者。願公桂

齋中真可以一洗煩暑也。

唐景陽寄任五安云。卧盤礴處悠然興至。起作高松瀑布。今以奉足下。懸置高齋。酷暑中能生涼否。

陳孟祥送茗帖云。送去細茗。乃懷月山物也。足下煮吸便知山家涼苦清味。
足當齒牙餘論否耶

朱長春東張君徧云。聊具數品。勸加餐。田野中小。盤榼耳愧。非侯鯖。豈堪下箸。

鳳洲與吳唐薄云。九畹道人與玉版師。皆陽羨山中高品。屈作弇園供。辱矣。輒以東海三醉。曾相報。尤辱矣。或公拍浮酒船時。更以為佳耳。腕瘡州。極不恭亮之。

劉汝佳東荆卿云。山茗頡頏。天池胸中文字五千卷。當不瀉六椀。後彌足滿大方。一罍耶。足胡盧耳。
下

盧仝茶歌。柴門反閤。無俗客。紗帽龍頭自煎。啜。碧霞劫風吹。不飾白花。凝光浮。椀面一椀喉吻潤。二椀破孤悶。三椀搜枯腸。惟有文字五千卷。四椀發輕汗。平生不平事。盡向毛孔出。五椀肌膚清。六椀通仙靈。七椀喫不得也。惟覺兩腋習清風生。

林太華寄茶云。方削芽數片。乃清明前兩日採者。新。蘇。蘭。玉。鑄。烹。出。味。逾。紅。霞。色。奪。青。瑤。

黃山谷煎茶賦云。洵乎如澗松之發。清吹皓々乎如春空之行白雲。頽逋翁茶賦云。輕烟細珠。靄然浮。真氣淡烟。風雨秋。

袁小侑寄蘇雲浦云。適送村中歸。特致數本種。山青水綠。人事萬惟此存。

范如梓與項彥父云。酒數甌。魚致舟中浮。白。送。望。長。安。在。春。雲。
繡。樹。間。非。小。范。子。顏。色。乎。

林庸餽香云。博山爐。沉水亭。一縷輕烟。半簾明月。宜伴宜清。
韻聲重。明光。謹陳案頭。用除逐臭。

許君信送筆云。太白花生。江郎彩艷。龍蛇競奔走。雲霧濃浮。見
雖作定遠之投。我且效元常之閣。敬供十矢。聊助一床。

華銑送墨云。元香守聲。蜚烏玉松。烟暈。月花。露凝。雲想盈袖。神
來濡髮。胆勝聊陳。十笏。用伴五車。

又送硯云。金含鸚眼。雲濕馬肝。寧為桑翰之窠。不學趙來之棄。
敬陳學海。留用玉堂。汪南溪送硯云。鳳珠一枚。端方堅潤。聰役文房。漸磨
之下。可知為耐久。明也。

孔頴之送紙云。玉板雲浮。冰紋雪淨。墨花新簇。好句題來。想見
價貴三都。敢呈案頭。少供揮灑。

毛文煥送梅云。兩枝窈窕。橫斜態似玉人。醉倚遺半。偈庵前。
居士推窓。香雪滿林。花底流鶯。攪眠。此中佳致。十倍當有瓊
瑤。振我。

袁石公與吳曲羅云。朱魚六尾。專人齋上。其佳惡。俟公鑒定。不
肖言。惡。則涉謙言。好。則涉夸。且慮識鑿不精。貽則公之笑。

謝餽

沈休文謝賜絹葛。素米冰華。絺文霜潔。友滌暑于。閨閣。起涼風。
于襟袖。

東坡君趙仲修公。清貧更煩。輟惠羊。遵謹已拜賜。使我有數日
之飽。公亦無乃決旬。蔬食耶。一嘆。

又與周文之云。今歲荔子不熟。土產少。早者既酸。且少。而增城
晚者不至。方有空。寓嶺表之嘆。忽信使至。坐有五客人。食五枚。

飽外又以歸遺皆云其香如練家紫但差小耳二廣未嘗有此
異哉又使人健行八百里枚無一損者此尤異也

元美答王陽德云入春風雨連綿鬱無好思偶得小尋晴送友
送輕船問梅花使者以書及篋至即使取分嘗之風味殊絕得
示收藏至三月間更佳兒輩餽口恐不能待也

何慶元謝茶望仙芽如金莖孤悶粘腸添作苦乃竟勞特使
耶讀教開裹便自清風習注瓶細嚼快可知已

袁伯修答江綠蘿云十年夢想虎邱茶如想高人韻士千里寄
至發瓶喜躍恰如故人萬里歸來對飭笑語不足方此愉快

陸德龍謝移竹云霖雨過山除翠葆靈根分茶名檻不羨嶰谷
小園栽來歲化龍時請君過我把酒焚香看此君上青霄也

支大倫謝惠炭云槁念久及寒擅坐擁烏薪造數白日欲爐即
使校書輒徹夜無嫌太乙吹蒸雖云挾纊無期絕勝袁安高卧
笑薄言申謝

庾肩吾謝炭云識慚曼倩似見昆明之灰清愧伯鸞不復因
人之熱

陸德龍謝茶云願渚雲籠武侯山色片送天際飛來披芳飲
德沁入腸胃時更欲向吾家桑苧苻索經為板願猶以為詮之
也而不敢桑苧苻陸州也著茶經

郭維真謝橘云凌霜顆入口齒類皆香以相如渴病剖嚼之即
冰黎梨露枕不遜矣

鳳洲與友云得手教及佳爰竹如意之賦念僕非水喜二張何
以辱此作小詩揮灑及夜卧搔背癢時輒思觀足下烟霞眉宇
耳

徐紹曾與項彥父云。承惠洞庭霜金衣。一剖瓊漿。頓生甘逾萍。寔冷逼冰壺矣。援筆攬紙。清風兩腋。

謝惠魚云。連餉波臣。信怡野老。不意塞北無煩。彈缺之勞。乃使江南日習。舉網之趣。風味滿座。感荷非言。

陸治謝凌汝明笈云。膏土方听。林間稚子。陡茁他日。高蔭涼生。疎風籟起。我公逸思。可想見矣。念我老饕。使千畝。既在胸中。便當解衣禿兔。不足酬高情也。

王宏澤謝湘妃筆床云。管城子。渭川名族。非湘妃不足配。夜深燈熒。據梧獨坐。月上虛窓。輕風動籟。將無環珮歸來。湘靈鼓瑟。入我夢思乎。

程敏政與陳振之云。得石田詩及書。西山房窸窣。忽爾熱鬪。入夜秋聲。滿竹樹間。疑助予之喜躍。

毛仲章謝王百穀云。伏枕空林中。惟有蟬聲松影。一破冷窸。忽屏翰添。兼拜茶罷。急掃梧桐樹底。烹金消泉。注之。七椀吸罷。憑虛欲仙矣。

鳳州與喻邦相云。真氣不足。禦外侮。种明逸所謂山中寒窸。聊以養和者。然夜舉不能五六酌。名醞二瓶。手自啓閉。足了一冬事矣。珍謝珍謝。

王百穀謝劉姬惠蘭云。捐惠芳蘭。頓蘇病骨。每當涼颼。衝薰斜魄。照戶疑足。下雜佩。歲徒往。再涉湘江而來也。古人以蘭為香祖。余欲結茆。四面雜蒔蘭花。題曰祖香庵。有柱聯。異人常在。漁樵裡。老鶴多眠。蘭蕙中。

王半偈答朱在行云。謁天竺先生。還衣上白雲。猶冉冉。乃拜新粟之貺。紅葉作新青。疏作充饌。人天香供。無以易此。

王三才答項明父云。讀過詩笺。香氣霏。滿口何。又當雙魚也。謹列座右。奉為紫薇君房矣。

孔頴之謝枕云。邯鄲未醒。黃梁蒙兄授枕。清夜片時。春夢必飛。渡故人側也。豈止感賜游仙賜耶。

秦嘉祥謝鏡云。承惠明鏡。如見對丰神。如見肝胆。古人謂千里面談。藉此清輝映矣。

王半偈與悅公云。竹匡床損惠。陳之廣。長安庵。異時。慈錫飛來。請趺跏其上。高談十二部。以此代七寶。源彌。

鄭大儒與洪伯子云。弟素夢。幾忘昏旦。承惠司晨畜之。窓下一聞。啞。殺。便起舞。向非兄覺我。幾送走狗場。少年局矣。

王百穀謝龍安云。烏薪遠。貽寒士之廬。煦然挾纊。予以卒歲不憂。黑貂蔽乳。

許君信謝香肥皂云。拜佳惠。頓覺洗玉樓。香生五鬢。如蘭之契。佩結不忘。

張孟雨謝蓮花云。蓮分玉井。芳艷鬚眉。不覺光霽。滿襟。如坐瀛溪風月。

張一中謝柑。黃柑如蜜。忽荷傳來。把酒聽鶯。大堪鼓吹。詩腸胡承鰲。謝。筆。雲。鎖。陽。臺。何處見。巫城也。足下以瀟湘筆贈我。一枕天風。疎。簾。看。月。矣。不知身在楚江矣。

杜元度謝酒云。坐千頃波中。已如飲醇自醉。乃甕頭新醪。送仙掌。分。來。不。減。湖。庭。春。主。人。厚。至。矣。

許君信謝炭。瓊屑飛空。容窓冷落。承惠烏金。寒威頓減。烘筆裁謝。

劉汝佳謝湯若士云。辱惠銅雀硯。兼以子建。况不穀也。主臣不

穀何敢當。緬想蕙帳人。嬾向西陵歌。吹而翁。一時雄霸。浮與此瓦俱存否。吾獨賞于建。辨道微談。不徒以翰墨為勳績。則來物堪珍。自在臨漳瑰竒外耳。僕敢不十齋藏之。與思王同意。元美與黃淳父云。僕回啓篋。柑香齋人。以一遺仲蔚。一自供。至今鼻端拂。作天際想。蔬菜色如綠藍田。綠玉啣之。令冰液流齒牙。酒腸自滌。真大快也。恨乏桓子桓手筆形容之。使二妙沈鬱耳。

招飲

蘇長公與姜唐佐云。今日霽色可喜。食已。取天慶觀乳泉。澆建茶之精者。念非君莫與共之。然早來市無肉。當相與啖菜飯耳。不嫌可只今相過。

許雲村新夏招王子陽云。梅霖初霽。蘿徑中紅香爛熳。山翠飛瀉已。令燒松煨竹葉矣。輶車一過。星漉濃。談半日。恐亦不惡。凌洞湖夏夜招陳子蘊云。晚涼垂釣。得湖鱖一頭。長二尺。斫鱠甚甘也。青松落陰。明月在樹。此時令琴兒彈廣陵游。與足下。箸其樂不可為量。

盛鏗侯新秋招洪升子云。平明宿酒醒遲。新涼着人。時聽窗外芭蕉作疎。敲起視銀床。大半沒。梧葉足下可來。共作悲秋客也。

屠長卿七夕招馮開之云。今夕何夕。客中多懷。足下可乘晚涼。來共坐嘉樹軒。觀天孫渡河。僕當為長安七夕篇。醉之。王元雲白門歸。招張孟雨云。一入金陵。便見紫氣變。結案頭。不堪持贈。期足下過。共餐之。天宇四垂。明月在座。

屠赤水招孫以德。泛月云。湖水微綠。芙蓉盛開。明月。轅空六合。

朗霽雲物且為吾曹生色。遲足下過賞。

黃甲暮春邀楊虛聖云。摘蔬小集。遠峰濯雨。古木晝陰。小山未
許春歸。幸詣星聚。

屠長卿招沈箕仲泛月云。送海上。月天宇四垂。一碧無際。游魚
上下。水光瀾灩。已命沙棠取卮酒。呼沈郎夜汎也。

黃光宇元夕招同社云。管絃沸月。火樹燦花。已剪春韭。濯壺觴
酣歌浮白。遂以玉漏預戒。漫相催也。

陳翰臣午日招宋中虛云。時際天中。蘭水競沸。一樽白墮。醉藉
梅林。祇候閑河。速移文駕。俞瑛午日招友云。設蒲樽。踞胡床。痛飲讀離騷。數行可當左。後津畔吟也。葵榴綴錦。蒲柳搖旌。

許君信夏夜招馬照明云。山頭撒錦。天際懸鉤。花氣侵羅。蛙聲
沸鼓。一壺花下。遲丈共消之。

屠杰水暮春招友云。谷風習習。烟花如綺。芳草如剪。漸聽子規
聲徹。無語留春。呼童洗犖。第吹霞唾。月惠臨是荷。

李元暢秋夜招友云。白雲溪上。秋色漸肥。頓須浩歌。光浮杯杓
想庾興不淺。當無俟稚子候也。

許以忠秋日招王印洲云。江楓懸錦。籬菊堆金。更有榆錢散地。
弟已簡樸村醪。與足下醉弄秋色也。

屠長卿招友飲雪云。天潢剪水。風攪長空。銀海光浮。千山欲白。
雖無党家味。已呼童煮茗。毋使陶君笑人。

姚文煒招友云。昨已露布邀玉趾。無珍羞無生客。淪茗說劍。聊
盡一日歡耳。

辛未月廿夜泛月云。雨中連榻。花下飛觴。進艇長波。散髮弄月。
紫簫玉笛。颯起中流。白露可餐。天河在袖。此人間至勝。僕得與
至人共之。

俞瑋王百穀招安緒卿云新築松壇可禮斗松風入耳如春江帶雨潮足下請一坐其下何元亮北窓此六義皇耳遲之遲之

唐景鳳招王蘿山云竹多處無雲陰六滿一簾蘿月四天鎖碧儘堪出賞足下其過我

屠杰水招友泛湖云湖光灑紅落杯中青來筆底屈文旌一泛浩歌拍浮當使馮夷起舞龍魚翔躍

許以忠招友游飲云峽口泉聲枝頭鳥語潺湲浙若銀管水絃共奏弟

携一壺柳下邀足下側耳聽之唱金縷一曲為荷何如

徐重文招虞青霞云仰聆揮塵塵頓豁塵蒙倘餘暇無他如薰風播之再展第披襟而夷腹毋苛禮以脩容專待懸河敬虛前席

虞邦譽招黃震宇送春云茅齋無長物笈若圖書數竿脩竹儘堪供狂生尚羊兄其過我酒澆清月詩慰癖花不許東風歸去項桂芳招李曙巖舟泛云昨走松楸間歸時遠峰隱牛規矣朝來持酒醪過舫艇借佼人絲肉與足下醉磯頭明月聽玉樹歌殘未肯歸渠不大快毋使弟徒有天際雲中想也

林太岳招蔡比部云炎威逼人賴山中竹陰滿庭白雲在榻欲效河朔諸子科頭放歌作避暑飲知足下不惜枉轡夷門也願俟飛軒

凌約言招潘子嘉云春風綴綠花下飛橈可破幽人寥廓子嘉浪游之暇肯泛南宮彩鷁吾當負白囊桐拾婢子一船松子嘉予中路此時澄湖練明與雲光掩映若子嘉放歌清秋吾亦

擊楫而和。如是者人生幾何哉。柴桑君莫為東籬人所困。羈使
我寥々也。

汪仲虞招唐貫吾日。綠陰遍野。黃鳥嚶林。明日煮雀舌。焚龍涎。
與足榭。叶荷際看閒雲四垂。作蘇門嘯。

劉肩吾招許君信云。衣剪秋荷。飭羅汀芷。載酒囊琴。携箏蠟屐。
天開邱壑。四壁龍葱。當不亞馭六鰲于五城十二樓間也。遲之
遲之。

王策招泛湖云。江上芙蓉滿把。殼紋迎棹。當取一葉浮之。茶竈
筆牀學個散人。櫂樣子。非兄莫可共扣舷。幸即褰衣。

王百穀與杜元度云。齋頭窈窕。若長干破寺。壁間梅沙。畫淋
漓欲出。雲足下來共賞之。

何虛招友云。不抵名利太山。樛不駕是非風浪舟。值此滌松細

雨。銚帶烟巖。幸駕虹而來。狎坐松底。持螯浮白。意味清快。

王半偈夏月飲妓云。荷舒十里。桂滿一輪。坐擁綠雲。飲開河朔。
柔肌無汗。何夏非春。嬌眼流波。有醒皆醉。一聲子夜。六月雪飛。

語快南董。酒北海訂期。先由莫後花車。

范梈招泛月云。湖光一碧。萬頃瑤田。當疑人在鏡中行。幸即過
我。相與棹破心也。望切望切。

朱道顯雪中招友云。聚朝雪。瀟茗焚香。知兄勝情不淺。定披雀
氈來。毋使党家知此味。

陸德龍中秋前夕招友云。高吳露。湛桂魄。尚虛一痕。正好向
姮娥。訊天道。益謙消息不獨先。長安富家一着也。幸早况臨無
在。後望舒後。

又中秋餞友北上云。願公此行。流大地之光。樹高天之業。圓滿

世間缺陷長如今宵之月其可無一觴作祖幸即駕玉輪廣寒人且停、入座矣。

董應舉復項孝廉云知仙史南來正欲趨提請益為糟粕所奪忽承瑤札益令神搖九日伊通烏龍潭一片地足供高咏至日擁篲以迎老倉克于此逸世漸成柘源非其人不能歸之也

程夢熊與項孝廉云主人青衣如玉顏携來明月下竹枝一曲弟出蘇州若下共呼澆之鼓柝西矣

江桂七夕招劉惺吾云七夕靈匹渡河占斷人間樂境奈何坐現鵲巢哉敬挹江波徽福佳客相與擁姬呼盧招涼流酌亦作世界上快事勿人渚旁笑客子華落寞也

王煇東湛師云即板過邸共嘆惹雲弄耳青蓮快論

劉景心上已招友云詰旦携小榼游芳甸以草色作茵褥以鳥

聲作管絃花枝作酒籌二三游侶劇飲放歌醉則臨流被襖便作蘭亭佳致願足下早來

孔四可招余宗溟云雨後看晴峯更有一段翠微色足以醒醉昨昨吟思已携澄醅已木末亭中俟足下詩魔降且呼山靈簡點花下綠茵松栢作翠以供詩中料

吳應秋餞李勉心往蜀云計足下到成都芙蓉花正開恍然在錦城中行也祖餞一尊聊壯行色且問足下歸期果在寒梅吐白時乎柳六待岷上子規啼也候之望之

劉一初招兵憲云蠟燭在望赭嶺可登當奉午奉迎祭戟酒誌詩狂攝空天地勿俾山靈笑我輩俗吏也

李西涯與文宗儒云秋霜未厲竹色尚可愛坐蒲其間頗懷佳客請即過我肉醞將熟源對此君大爵也

林有潤邀諸心齋云。一雨洗去驕陽。適往池亭上。挹荷風。竹露望金山。爽氣飄然。心骨欲仙。走价招足下。追歡河朔也。牙籤徹處。拱聽履。鼓。

謝飲

河亭尊酒鍾山秀。色半落几筵。外適內朗。遂頽然醉也。委攝授史作謝劣。無次。吳仁度與劉太守

曹爾禧謝二丈云。夜來飽飲。郇厨至今齒牙間。猶作蓮花氣。

又與項孝廉云。弟北鄙人。第堪貫腸燒酒。大蒜長葱。炕頭一飽。那知天壤間。有此珍味。殊令五臟神詫異。想胡麻飯正不減。是施者涖矣。報者未至。奈何。附言申謝。

曹師建謝喬二丈云。夜來由房張筵。笙歌迭流。斜月界漢。觥籌

亂飛。蕭然世外矣。咄。喬即又何遜北海。

袁中郎謝飲云。盛晏不足謝。獨携手徘徊。滿口肝膈。大快也。別後歸家。去巾幘。兩手搔頭。熱湯一盆。解癢。苦茗數杯。解渴。故作酒態。令妻兒子女。搥腰擦背。貧生至此。自謂不減擁書萬卷矣。問仁兄昨來。亦有此樂否。

徐觀瀾與狄元佑云。飲荷花池館。老槐蔽日。綠水隔塵。身恍在水晶宮。歸來暑氣盡消。衣袂間尚融。帶翠色。歌謝主人。

魏較與友云。游然干尺下。側耳鳴鶯。正作雙柑之想。忽浮大斗。鼉腹遽充。宛轉彩雲不識。阿誰扶去。敬倚謝楮。不盡銜隴。

孔四可謝友云。主興濃于羅浮。春客逐不敢言醉。歸浴如泥。接羅倒着。朝來日已三竿。幽然尚夢也。

洪五明與友云。夜來新月如佳人。良朋若蘭蕙。睡起披衣尚覺

清芬流袂不識何修得此

辭飲

周達東項明父云竹意蕭散共對清光思為不速之客惟是視師江上不能停轡逍遙游客歸即當問字高軒不敢為紙筆空談也

曹學佺與陳侍御云以諸公勝懷登高採菊流酒賦詩其風流端不在陶彭澤之下第舉俗皆愛其名不佞獨傷其遇黯然悲咽風雨欲來無能赴文酒之召若犬之好我至矣異日內袒以謝

陸德龍東友云招我游屐即山靈六傳語而丘壑綠淺杖藜葛陂竟作酣睡老龍未由振翅如何如何

屠赤水辭友云僕素無阮公量也舉盃一吸若丹楓迎霜顏醉矣兼以抱疴拈衣欲起且為藥使所維辱寵品方命為罪賤軀少調踵門叩首

李元暢吞丸日招飲云風雨滿城龍山飛箏何須更望白衣寄語西風一任吹烏帽耳

乞

東坡與陳天侔乞樹云白鶴峰新居成當泛天侔求數色果木太大則難活太小則老人不能待當酌中者又須土礎稍大不傷根者為佳不罪不罪

錢文薦與金孟章乞詩云聞兄衣彩歸此自天倫樂事暇時携杖登叱羊峰計峰頭白石磊磊具在業經仙人點化年代雖隔

靈氣尚存吾兄。試持驚人詩。必能馳群。然響谷何為。竇不一示弟。

陳五岳與文博士云。尊公徵仲。墨妙重海內。乃淮六名瀆。無公家隻字在金石。私心怪之。即昔人娑羅樹碑。亦不存。尤可恨。偶得鄙作二絕。乞之下大書。固異代之李邕也。娑羅樹碑在淮安府唐朝之李邕記併書

祝無功與何侍御乞西云。秋色可人。之下能乘興。點微一小西。惠我齋壁乎。世間清事。最不受迫。興不至且已。興盡且已。

宗臣與文衡山乞西云。僕奔騫塵。坐江南山水。日夕神注。况公山水中人。耶。妙染乞時寄惠。臣將神游其間。如陪公中履。

甯仕衛與張未孩乞柳云。日過隨隄聽翠陰。中黃鷄。教悟得陶先生。當日有意。君家列徑起眠。含烟作雪。走乞數株。分挿門左。如對君家少年風流也。若曰九烈君彈汗了。非所望。

顧汝紳與談兩懷乞犬云。家無司夜。送君家乞一二乳畜之。使窻扉吠。花影與鐵馬相和。亦足破衡門岑寂。博飯引來。毋驚回。頤至望至望。

許君信與張孟雨乞飲云。柳烟方裊。艸木自馨。不能悶坐。乞犬放甕頭春。令許生醉倒。武陵溪上。與風竹相吞吐。

虞青霞與朱幼文乞飲云。板我佳釀新熟。如在鼻頭馨香。再使酒龍飛舞。恨無工喬之鳥。忽至甕傍。醒而復醉。

張孟雨與友乞菊云。空齋如水。不點吸東籬秋色。彭澤笑人乞移一二種。微香披座。落英可餐。當拉柴桑君持螯賞之也。

何虛與友乞桂花云。裊香若噴。意漫蟾窟飛來。結兄亭畔。幸擲教枝。使弟高咏。山小山共澄。無隱。

元美與伯玉云。向辱楨文。羽僕布素之軀。不知所裁。此後勿更

勞雀籠惟餽口難屬厭耳一笑。

慰

東坡與端升云。叔靜云。端升一生坎坷。晚節益牢。落正賴魚軒。賢德能委曲相順適。以忘百憂。此豈細事。不爾人生。詎復有佳味乎。非靜姻及。想得其詳。故輒以奉慶。

劉汝佳寄孫子京云。良苦之下。霜蹄暫蹶。哀鳴不渡。自惜錦帳。泥耶。要之。朱花。未汗。終非外。既中物。欲壓小槽。一洗傀儡。想足下胸中。自無不平。弟何唐突西子。

王百穀與朱在明云。足下復蹶而東。按之圖者之罪哉。比過春申山下。望大江。烟樹微茫。憶足下垂翅其間也。欲往送之。河無梁。豈然不能已。足下幸自慰。終當奮翼。滬池耳。

湯若士答馬心陽云。南臬書來慰弟。茫茫海宇。遂不能容一若士。倘若士此中又不能容一海宇。即便為所弄矣。此語雖非其至。差足豁人。亦足轉奉兄。破感為笑。

荅馮大參云。得報後日。遲候歸信。因伏几嘆曰。清風百世。直道三點。固也。憐才如春風拂面。便消忌才如嚴霜一寒。透骨信哉。元宰度馮先生脂車峭帆。行必接浙。某獨曰。先生嶽寄。為落人也。且以一官為桑下物。宿以一路佳山水。為籬下物。未必既返。果然。

王半偈與王鴻臚云。形庭尺寸地。不能容王君。豈其肩無黛乎。雁宕。龍湫之。爽氣。以荷衣貯之。飄。欲仙然。不勝骨之。欲仙矣。必長安馬首。以手板指西山為也。

元美與宗子相云。長安諸貴人。橫弄風雨。即盡逐我輩。豈相苦

先

耶若我輩者如人之苦飛鳥斃而絲束之無奈耳迹之廣莫之墟乃所以相樂也足下無害

王百穀慰友云樵豎蒙然使孤桐被新要之時無中郎疇識爨下于是世無焦尾矣使君得無自悔遠山遂不免入宮姑耶又寄友云簡鄉書乃漏足下名深惜劉蕡乎豫章之木不能霜霰即其材不堅不足柱明堂足下一蹶造物者霜霰之耳足下自愛

徐獻忠慰友云驥垂兩耳服鹽車傭人椽筆策之笑為歎段不若及其霜蹄歷塊轉盼千里伯樂驚快傭人更伏地嗟賞幸足下勿自阻

王半偈與施郡守云公乃遭吏議悠之口昌其有極直以西山爽氣消之武夷之雲其狀千百蒼狗白衣棹在斯瀕耳有談

明珠惹落是耶非耶請以醇醪一斛醉之

錢文薦與馬仲良云客歲閏郎報知足下以高才取忌動遭彈射狀不知寶鏡蒙塵增一番磨拭即增一番皎瑩彼彈射我者足下竟直以磨鏡人視之不足責也

悼遊

劉義季與江夏王云宗居士不救其清履肥素終始可佳為之愴惻不能已

昭明太子與東宮官屬云王成明風韻道上神峰標映千里絕迹百尺無枝寔俊人也一雨過隙竟歸長夜金刀掩也長淮絕酒

王僧孺與沈休文云范僕射不救言念平生忽為疇曩追尋笑

緒皆成悲端。晉向秀傷嵇呂曰：日薄虞淵，寒水凄然。鄰人有吹笛者，聲聲寥亮，追思昔游，感音而嘆。

劉孝標悼劉秣陵云：音徽未沫，而其人已亡。青簡尚新，宿草將列。泣然不知涕之無送也。若宣室之談，有徵異。東平之樹，望咸陽而西靡。蓋山之泉，聞弦歌而赴節。但懸劍空，龍有懷，何如。

謝莊月賦起云：陳王初喪，應劉端居多暇。綠苔生屋，芳塵凝榭。悄焉疚懷，不怡中夜。

劉夢得悼柳子厚云：子厚平昔聰明絕人，今雖化去，夫豈無物意其所死，乃形墳耳。

屠長卿與馮開之云：君曲王折，令人短氣。州間狐兔正縱橫，疇起子桓地下哉。

元美與俞仲蔚云：朱邦憲遂爾長逝，覺吳淞以東無復人。風雅

俠烈事，在印真慨痛深。

王百穀與友云：貞甫化鶴，恨無能百身以贖。惟有氣結淚若龍湫之瀑，白楊淒風，瑟瑟湍湍。

王百穀與友云：茂卿強項，乃今在青松根。哀哉此君，玉碎可惜。諸人碌碌，柔可繞指。千秋萬歲，奚孟耶。

索小倩寄悼中郎云：存亡徂遷，倏忽易歲。惟夜夜入夢，有若平生耳。海內第一知己，既去復何心。世緣。

唁

王百穀與友云：聞太夫人違養，可勝驚痛。風木之悲，幸無太甚。又與余次公云：大病乍起，不能浮錢塘，以匣中魚腸掛文敏公隴樹，但有太息。遣一廝來，生芻往告，守冢使焚之，隧道白楊。

悲風代王孫一慟也。東湖別墅之間，高臺曲池皆無恙。公子宜加葺治以待化鶴歸來。但言雙袖龍鍾矣。

又與王允昌云：暑氣鬱勃，門下苦廬清勝，隨陌半枯，知偉元淚如雪也。一詩一葛，以為北堂几筵，藉門下請作楚毅三踊而歌之，如和印揚蕭耳。

宗子相與友云：尊公乃不祿耶，聞之驚悼，足下杖而讀禮，上奉太夫人，且撥采成千古大業，是亦板尊公無已時也。

素小脩，慰夏道甫云：忽聞燕子樓中斜陽淒斷，為兄了却一重公案矣。先睹此刹那紅顏，刹那黃土，何必更作白骨流光觀乎。

再慰道甫云：高情已逐曉雲空，不與梨花同夢。此情何堪，但一付莊周諸公處治也。梅花帳中，柏子爐邊，別有一番光景。新春

入渚宮，當喚醒吾兄三生夢耳。

朱太復慰吳虛卿云：足下復為商瞿耶，遠傷我心。計今痛當何如，好遣西河喪明東門不哀，非太有情，則太無情。有無之間，賢者處之，耳年未是枯楊，定有生理。無多輸數行血。

王焯與胡權可云：有生緣，即有苦趣。如畫必悔，明眼人照破，委為四時之序，乃知西河之泪為無益。愛根難拔，請以慧劍除之。

賀

東坡與徐得之云：得之晚得子，聞之喜澗，可知不敢以俗物為賀。所用研一枚送工，源是學書，弄知似太早。然俯仰間，便自見其成立。但催促吾儕日，孟潦倒耳。恐得之惜別，又復前去。家中闕人抱孩兒，深為不皇呵。

屠赤水祝李之文母壽云彤雲在天海月甚麗。盡快老人星現也。把酒歌白雲謠。日風而寄曼聲。以當堂下珠履。菲儀馳賀。王百穀賀友壽云。南極光浮。結為台履。當採海屋之壽。以慶因陵。不腆之儀。聊當麟脯。

王北雲賀文明府云。異哉黃口台背。盡娉婆道上。為明府祝。維祺則又烏用安。期巨。西王母青鳥為。

諧謔

屠赤水與君典云。仁兄還宛陵。大浸稽天。此當是澤國魚龍。如足下兩明珠。孫夫人不足。漸臺魂幸矣。

袁中郎與湯隕陸札云。酒畢再來取此一語。甚妙。弟讀畢捧誦再過。復令小奚取筆。旁加數圈。亦可謂勇于服善者矣。

洪五明與鄭芥子云。竹塢夜飲。被無端嫦娥把容光相弄。玩四鼓未傳。已將弟輩形影亂提砌下。思得一許計敵之。非詩不可。足下大發詩王。勿令小覷吾儕。

鄭叔子復洪五明云。詩王他遣未回。兄可再鋪一筵。弟能俟姮娥一出。便以酒兒壓倒。

洪五明報盛伯子云。鄭生帶酒鬼赴陣。姮娥果怯疾。駕浮雲把廣寒宮。際以遮那。弟輩已豪歡暢飲。羞以持板。

盛鏗侯抵鹿城。報月娘云。李郎夕到西明。杳不見紗帽紫衣。但有玉峯孤月。照我床頭。寐一念。卿若寒盟。山靈當不放卿也。月娘復盛伯子云。別來不知幾許時。但見牛郎三渡河。請問盛郎幾渡。委江也。妾初作李郎。不料翻成王生。君若寒盟。山靈又豈放君乎。

袁中郎與江進之云。弟已將進士二字。拋却東洋大海。候命下。即自上一乞本休本了。却前件作世間大自在人。直待江郎作吏部尚書三年。後髮白齒落。然後將金丹一粒。點化江郎。同證大果。豈不快甚。

屠杰水與殷元美云。足下領夷陵。以出夷陵。故荆南山川最勝處。足下賢豪人。山靈借杖履。使陽臺之神。通刺使君。稱部下如子。令人生快事。

張時微與朱僉憲云。僕今日乘舟洛陽泉。明日宿太華頂上。必期仙舫來。不來當遣海若揚大颶。吹十塵擁足下。案牘令足下不得省簿書。急期會也。

屠杰水與莫秋水云。足下江左騷雅。領袖烟月。總管一踏吳土。通都若狂奔走足下。江南花事行盛。湖邊青雀。陌上紫驢。過後

必聚一花一石。履屐何處不到。題咏何處不徧。竊恐山靈如妬。足下夜半。以鬼物盜公綵。奪公繡腸。令足下化為一頑男子。腹不能貯奇字。口不能吐佳言。憨狀臃腫。向人飲啖而已。豈不令屠生撫掌稱大快哉。

君友云。承惠琵琶。開奩甚駭。聽之無聲。食之有味。乃知古來司馬淚。於潯陽。明妃怨。于塞上。皆為一啖之需耳。今後覓之。當于楊柳曉風。梧桐秋雨之際也。
此誤事。批把為琵琶。琵琶詩曰。楊柳曉風春。滑。梧桐秋雨夜。嘈。

勉

嚴氏與送子云。諺云。忍辱至三公。卿今可謂辱矣。能忍之。公是鄉坐。

山谷與六姨丈云。無辯可以息謗。無爭可以止怨。此最事節而

易行願留意于此。惟望以聰明回光自照。焚香誦經。勸督齋。即
學業以待時。至祝。

父荅王秀才云。浮圖書云。無有一善。送懶惰懈怠中。得無有一
法。送驕慢自恣中。得此佳語也。願少垂意。不加功而談命。猶不
鑿井而俟泉也。既承傾倒。見與故聊助聰明之萬一。
湯若士與門人云。須速取龍頭為熱心人。一快貧者士之常措
大亦別無逐貧之法。

又與王觀生曰。世人如熬山燈。裁有煖氣。手足便動。吾弟可不
一發憤耶。三兒已赴龍沙矣。

范應期與趙將軍云。聽賢將軍談兵。若聚米為山。膚皆在目中。
黃金印。君家物。君還自取之。豈可令他兒竊入腰間。

張翰翔與朱侍御云。公騎驄馬。以鐵面向人。令豺狼手板倒執
矣。然以嚴霜肅三尺。猶當以皦日作雙眼也。

祝無功勉子任云。爾兄弟齒不居人後。學不居人先。料策精神
觀摩師友。研究經史。毋虛擲。毋雜好。憶昔吾兄弟。丁汝兄弟之
年。頂斗笠。向烈日中。採山灌圃。形容黧醜。毛髮焦黃。吾蓋十有
九歲。而受書。汝亦受書。更後時。汝祖汝祖母。拮据教吾兩人。吾
兩人夏無葛。冬無爐。朝夕不輟。以有今日。汝兄弟乃得垂髫就
傅。祀舊書。向北窓。披風而哦。是汝兄弟受享。過吾兄弟遠甚。而
或勤少。遜可乎。不可乎。警醒吾言。慎勿等閑耳。也。

陳五岳示奎璧二子云。義輪若飛。忽為扶桑。忽為崦嵫。誰揮魯
戈。令退三舍也。羸糧蹶馬。惟恐後時。二子憤諸。

鬼谷子與張儀蘇秦云。二足下名赫。但春華至秋。不得久茂。今二子輕喬松之久。延貴一旦之浮爵。夫女愛不極。席男歡不畢。輪。

武侯戒子云。君子之行。靜以修身。儉以養德。非澹泊無以寧志。非寧靜無以致遠。夫學。須靜也。才。須學也。非學無以廣才。非靜無以成學。惰慢則不能研精。險躁則不能理性。年與時馳。意與歲去。遂成枯落。悲嘆窮廬。將復何及也。

王僧虔示子云。汝年入立境。方應泛宦。兼有室累。何處復得下。惟如王郎時。各爾身已切。豈復閑吾耶。鬼惟知愛。漆松茂柏寧。淚知子弟。毀譽因汝有感。故略叙胸懷。

東坡與蒲傳正云。干乘。任屨言大舅。全不作活計。多買書。西奇物。欲老弟苦勸公。早意。涂以為然。歸老之計。不可不及。今辨治。

退居之後。決不能食淡。衣粗。杜門絕客。貧親知相干。決不能不應酬。此數事。豈可無備。不可但言我有好兒子。不消與營產業也。書西奇物。老弟近年視之。不啻如糞土也。

又答王定國云。吾弟大節過人。而事小事。亦不經意。正如作詩。高處可以追配古人。而失處。亦受嗤于拙。且薄俗正好。檢點小疵。不可不留意也。

又與李方升云。示其鑑。讀之終篇。莫知所謂。意者。足下未甚有淨于中。而張其外者。不然。則老病昏惑。不識其趣也。以此私意。猶冀足下積學不倦。落其華而成其寔。

佛印與東坡云。子瞻中大科。登金門。上玉堂。遠放寂寞之濱。權臣忌子。瞻為相耳。人生于世間。如白駒之過隙。三十年功名富貴。轉盼成空。何不一筆勾斷。尋取自家本來面目。子瞻胸中有

萬卷書下筆無一點塵。到這地位。不知性命所在。一生聰明。要做甚麼。三世佛。只是一個有血性的漢子。子瞻若能一脚承當。把三二十年功名富貴。賤如泥土。努力向前。珍重珍重。

陳獻章與羅彞正云。君子極欲人入于善。但強而語之。必不能入。則棄吾言于無用。又安取之。且衆人之情。既不能受人之言。又必別生枝節。以相矛盾。吾既不合。而責之益深。此取怨之道也。不可不戒。

徐存齋與黃芳洲云。天下事誠壞于不寔。為然為之。亦須有漸。如鎔金。則一注而成。方員即成。揉木則必逆。容而後克。就規矩。今當承平。踵因循之流。其執何異。揉木乎。願公稍加慎重。

時欲為廟周延十里得書遂止

汪青湖與郡侯云。論禹平。成之功。以一。方財。加為。陵。不以為。泰。若推其心。茅茨土。堦。而盡力乎。溝洫。豈忍以民力為周垣乎。

張太岳答傅諫議云。往者別時。曾以守己愛民四字相規。乃屢辱厚惠。且愈至愈厚。豈認為嫌少耶。至于腰間之白。尤為殊異。願此寶物何處。淨來。恐非賂。令所宜有也。謹壁諸使者。若假諸他人。可令返趙。執事。送此。宜思所以自勵。

元美與用晦云。足下多自引避。當似當入不二門。而丹竈之火未息。良所不解。金沙。赤珠。造物至新。縱予之。天上。寧有好色神仙也。佛不離心。亦不離身。僕此一語。非孟浪者。足下勗之。

樊煒與里人云。黃白之術。世人秘之。吾丈樂與人同之。盛心哉。願若而人者。其興馬僕送。周身之物。無不畢給。耶。抑懸鵝。枵腹望屋而趨者耶。倘用無不給。固宜。浴。居高拱。無求于世。若猶作窶子狀。胡不以自治也。其來也。果時。昔道義文耶。抑然。蘿之好耶。不爾。亦當有一面雅若生。平。有和。嘗有一面。而開。闢千里。授

以神奇之事則所謂明月之珠無目至前不令人不按劍也。唐荆川與椒山公云。執事豪傑士也。忘身許國。不回不撓。使滿世間脂韋洩泥。全軀保祿之士。聞風縮頸。執事之志則狀而才足濟之。自丹陽奉陪。令人嘆羨不已。然覺慷慨激發之氣太勝。而含蓄沉沈之加或不及焉。夫直前太銳。近于用壯。取必太過。近于後恒。在易固有戒矣。惟發也能通天下之志。惟涂也能成天下之務。自古欲成務。而或僨焉者。未必盡是庸人。或豪杰與有責焉耳。僕少頗意氣。屏廢以來。稿形灰心之餘。化為繞指柔焉。以此自量。乃欲以此量豪杰。知必見笑。然以敬慕執事之至也。不敢不盡其愚。

揚升庵與趙定宇論德云。吾兄今日官雖未高。隱然已有公輔之望。不肖萬里空谷。更無他言。惟順風船。不可滿使。論人論事。且急且寬。常留有餘。不盡之意。

張翼明與閔揮使云。君既髮落。即異日標銅勒鐘。已令麟閣上有韓家老鷲。而復以酣酒湫底。其體心而火。聚胃而炯。蒸面而霜。黃髮有不起之狀。人生造志耳。何至以平原督郵為閻羅令史哉。

王百穀與梁伯龍云。足下尺五虬髯白如霜。尚沉酒恣海。以為羲和之輪未駛。而更加策耶。

詞云。紅顏雖好。精氣神三寶。都被野狐偷了。眉峰皺。腰肢裊。濃粧淡掃。弄淨君枯槁。暗發一枝花箭。射英雄。弦倒病魔纏繞。空去尋醫禱。房術誤人不少。這堪惱。自家討填精補髓。下手應須早。快把凡心打疊。訪仙籙。學不老。

元美答王明輔云。日望公熊羆夢。乃談二豎見凌狀。令人竦然。

中年氣血不易復。自今而往。願加保愛。如補劑。如抱卵綿。若
存用之不勤。乃佳。耶。州。木。金。石。之類。病在則為藥。去病則復為
病。不足恃也。

袁石浦。卷。蕭元圃云。先歸山中。焚香。吸茗。寄意。琴書。魚鳥。真不
減。飛天仙人。惟願。文酒之暇。無忘。却。菩提。本。願。時取。大慧。中峰
二語。錄。朝夕。相對。第。今。法。侶。益。稀。荆。扉。日。掩。白。蘇。齋。前。草。添。一
丈。六。惟。恃。此。二。老。友。晤。語。一。室。

魏較。吞。黃。起。亨。云。觀。來。教。似。以。舊。事。芥。蒂。願。開。拓。心。胸。虛。名。在
人。間。世。譬。猶。閒。雲。在。天。浮。鷗。在。海。聚。散。起。滅。何。常。之。有。語。云。達
人。大。觀。無。物。不。可。

祝無功。招王中石云。莽。出。都。門。未。及。詣。趙。相。公。所。別。公。老
行。脚。也。以。四。海。為。宅。以。友。生。為。眷。屬。以。觀。書。賦。詩。為。勳。業。以。生。

老病死為秋。冬有語。公者曰。歸來乎。客死異鄉。辜負。青山。白石
公。必。以。為。細。民。人。耳。祿。以。謂。長。安。塵。土。三。千。丈。何。如。白。雲。燕。人
市。酒。人。何。如。龍。邱。野。老。客。相。公。東。閣。出。入。禁。嚴。何。如。山。家。蕭。散
貂。裘。何。如。薜。荔。衣。獸。炭。何。如。煨。榾。柮。爐。現。長。安。勝。負。何。如。掃。柳
山。現。樵。客。棋。千。年。七。日。策。蹇。驢。問。某。澁。澁。某。澁。澁。某。澁。澁。某。澁。澁。何。如
尋。黃。初。平。石。羊。於。長。林。豐。草。中。幸。早。歸。來。取。道。江。上。祿。請。掃。白
門。一。片。石。蓮。公。

又。招。云。公。眼。中。有。花。耳。中。有。蟬。春。杪。欲。踈。今。秋。且。老。矣。紅。葉。滿
山。黃。花。滿。徑。猶。然。不。賦。踈。來。恐。洞。中。猿。鶴。訝。人。爽。約。
屠。煮。水。與。王。碧。軒。云。歲。聿。云。暮。扣。足。下。之。篋。收。子。錢。豈。何。有。如
旄。耶。乎。好。令。蒼。頭。奴。貯。之。勿。使。其。化。蝴蝶。翩。然。繞。花。叢。也。

卧遊

郊居樂

與鄭長官

於。半。郊。半。郭。之。中。有。一。觴。一。詠。之。趣。芳。州。遠。山。終。供。掇。拾。晴。陽。媚。月。別。受。指。樵。

羅隱

屠。緯。真。先。生。云。憲。中。隱。江。帆。家。在。半。村。半。郭。松。下。時。聞。清。梵。人。稱。非。俗。非。僧。

與徐十九

梁肅

茅。居。在。郡。南。前。有。芙。蓉。藻。菱。芡。後。有。高。梧。大。竹。家。貧。無。他。具。日。春。黃。梁。爨。園。蔬。鮓。鱸。數。器。頽。然。簷。下。夜。即。燎。薪。火。觴。白。酒。引。滿。

之際襟期浩然如太古時人間萬累無非糠粃

答韓維

蘇舜欽

比雖與兄弟相遠而伏臘稍足居室稍寬耳目清曠不設機關
三商而眠高春而起淨院明窓之下羅列圖史琴樽以自愉悅
興至則泛小舟出盤閭二門吟嘯覽古于江山之間渚茶野釀
足以銷憂尊鱸稱鱒足以適口又多高僧隱君子游送甚樂家
有園林珍花奇石曲沼高臺魚鳥流連不覺日暮

答楊濟甫

蘇子瞻

都下春色已盛但塊然獨處無與為樂所居齋前有小花園課
童種菜亦小有佳處傍宜秋門皆高槐古柳一似山居頗便野
性也

子瞻有云新居已決日小窓疎籬頗有幽趣又云齋居小室
氣味深美

與王慶源

蘇東坡

寓居官亭俯迫大江几席之下雲濤接天扁舟草履放浪山水
間客至多辭以不在往來書疏如山不復答也此味甚佳生來
未嘗有此適知之免憂

與晏尚書

范仲淹

白雲徘徊終日不去巖泉一丈潏潏潏齋中春之晝秋之日既
清且幽大得隱者之樂惟恐逢恩一日移去

唐宰相張說記尚書韋公別業云嵐氣入野榛烟出谷翠漱
揉岸澄潭洗月虹泉電射雲木虛吟所謂丘壑夔龍衣冠巢
許

與人

黃山谷

二

僦居城南。雖小屋而完潔。舍後亦有三一畝閒地。畦蔬植菓。亦有飯後逍遙之致。

答上官長官

蘇東坡

所居臨大江。望武昌諸山如咫尺。時復葉舟縱遊其間。風雨雲月陰晴。蚤暮態狀萬千。恨無一語略寫其彷彿。

與殷無美

王鳳洲

得二頃陂。四圍列植梧竹垂楊芙蓉之屬。陂中養魚數千頭。中構一島。築高閣三間。其下左室貯書籍。及金石古文。右室貯美酒。傍一小室。具茶竈。瀹釜。煎膏。鮭脯。小菜。閣上一榻。兩几。讀書小倦。即呼酒。數行。醉輒假息。息傍維兩艇。客有問奇善觴咏者。以一艇載之來。一艇網魚佐酒。不問朝夕。倦則相對隱几。興盡便渡載去。若俗客見。撓者。雖叫呼竟日。了不酬應。以此終身足矣。

張侗初先生曰。潔一室。穴南牖。八窓通明。廣榻長几各一。几勿多。陳書筆墨。研田。芝旁一小几。置素箋百幅。小架陳得意數種。古帖一本。讀則取之。讀已仍還架。心目間常空洞。無物。則意思灑。多靈。別二室。一室藏書。分十二部。分十二架。一室供面壁達摩。陳古爐鼎。茶具。一酒壺。一古窰杯。一具。讀倦。則浮白以助其氣。別設一榻。客至焚沉水。品茶相對坐也。

有詞云。緩步東臯。有箇幽人書屋。啟雙扉。庭除方幅。前窓喬木。後窓修竹。轉西廊。別藏岩谷。小澗低橋。寒碧落紅相逐。坐亭軒。菁蔥齋沐。花屏蝶宿。柳塘鷺浴。掃藤陰。彈琴一曲。

與太凝陳公

虞邦譽

秋光漸逼。祛我煩囂。夜來雨洗長空。月隱疎柳。吾兄池亭當添清致十倍。

與友

萬綠陰中。小亭避暑。洞開八達。几簟皆涼碧。忽聞雨過。蟬聲風來。花氣不覺令人自醉。

昔人欲避暑曰。秦岱松何如。洞庭月。峨眉雪。何如。滿湘竹。余應友人曰。更得元龍百尺樓。坐以檀香青玉枝。樂不樂也。

宋韓持國涼堂深七尺丈。每盛夏猶以為不可居。常穎士適自郊居來。因問郊居涼乎。曰涼。持國詰其故。曰野人無修簷大厦。且起不畏車馬塵埃之役。胸中無他念。露形挾扇。投足木床。視水陰東。搦則送東。西搦則送西耳。語未畢。持國亟止之曰。汝勿言我心亦涼矣。

荅盛永叔

馮開之

南都公署司業署最勝。前臨廣池。此時新荷出水已二尺餘。後倚雞鳴諸山。金碧蒼翠。參差溢目。一鑑亭三楹。盡領其勝。公餘日棲息其中。鳥聲樹色不減。林落足娛馮生矣。

與龍君胥

屠赤水

居此中月且十圓。署外四際溪山。樹穀如濤。返始落霞時。孕烟曳靄片。欲上人衣。

寄友二段

王百穀

葺藥欄。花木扶疎。雲英生石上。山齋地遠。長松含濤。白雲常來。黃鳥不去。

與友

黃甲

花吐芳園。酒深遙夕。松陰擁蓋。泉響鳴除。婆娑其間。不減西園。

清夜

報龍君善

屠長卿

僕宅西半畝園鑿一池如掌大。池中多栽芙蓉。繞堤雜藝蘆葦。翠花跨水築小樓一間。中僅可坐四五人。安一几一爐。四面開窓牖。東望朝霞海旭。西眺夕景峰陰。上臨高城飛觀。下走長江巨波。科頭袒跣。偃卧其中。薰風南來。冷然颯爽。手金碧黃庭朗誦。數過帝座。非遙浮雲轉低。鬢眉不小。六合猶隘。

與王辰玉

屠長卿

構小樓三間。前望浮屠。後枕城郭。大江日夜湯。走其下。樓前雜樹花木。力不能得名。花木又不欲以此亂人意。止取野草樹蒙茸。小有致而已。栽竹數竿。宜春雨。宜冬雪。松兩株。宜秋月。宜晚風。有客以筍魚留。共脫粟清談。多在人世。外或及方內。急取松下風。澆之筍魚。有時不給。空談竟日。客去掩關。焚沉香。一縷隨意。讀仙釋書。數行。僕則跏趺。稍調攝元神。日一歲。隨緣挨捩身。在今日。絕不計念。明朝衣食婚嫁。不貯胸中。以矣。

張伯雨松下樂云。歸來重整舊生涯。滿洒柴桑處士家。草菴兒不用高。和大愛清標。豈在奢華紙糊窓。白木榻掛一幅單條畫。供一枝得意花。自燒香童子煎茶。

宋謙漁父詞云。壺山居士未老心先懶。愛學道家。辨竹几蒲團茗椀。青山可買。小結屋三間。開一徑。俯青溪。松竹栽教滿。客來便請。隨意家常飯。若肯小留連。更薄酒三杯。兩盞吟詩度曲。風月任招呼。身外事。不關心。自有天公管。

唐李公子有別院在湖山之上。門前朱樓一帶。覆以垂楊。松篁中粉廊紅榭。高堂短牆。宜雪宜月。四面遠以梅花五六十

畝。添。秋。之。際。丹。楓。萬。株。擁。若。霞。氣。

又云垂楊小橋。紙窗竹屋。焚香燕坐。手握道書一卷。客來則尋常茶具。本色清言。日暮乃歸。不知馬蹄何物。

與項孝廉

湯藿林

演象所旁。州。低屋兩間。而無車馬之喧。僕偷閒。筆研其中。清琴在几。白雲滿榻。率其素履。獨行蕭然。得蔬食飯水樂也。兄夙負道義。試策騎相遇。並坐松根蒲團。論人論文。論千古擊節。嘆唱嘆。

與友四段

王百穀

別墅新城。鳴瀑可以洗耳。浮雲可以盪胸。營菟裘于白馬澗。上鳴瀑掛門。梅花繞屋。綠水知心。芙蓉解語。伊蒲可以續命。貝葉可以忘年。

空齋如水。晴晝閉門。獨聽長松聽。如聞帝女之絃。

與黃文軒

吳應秋

足下解組何急耶。計梅雨過。林園林高。槐峻柳翠。色在衣裙間。落日池上酌。清風徐來。又安問大羅天也。

與陳立甫

屠赤水

蓬戶掩。分并迤荒。青苔滿兮履綦絕。園種邵平之瓜。門栽先生之柳。曉起呼童問山。枕落乎。辛夷開未。手甕灌花。除去虫絲蛛網。時不巾不履。坐北窓。披涼風。焚好香。烹茗。忽見異鳥來。鳴樹間。小僮竹床。藤枕一覺。美睡。蕭然無夢。即夢亦不離竹。坪花塢之旁。醒而起。徐行數十步。則霞光零亂。月在高梧。妻孥來告。詰朝厨中無米。笑而答之。明日之事。有明自在。且無負梧桐月色也。婦亦頗領此意。相對怡然。

與金孟章

錢文薦

葺宇龐旁隙地。選控立湖。近何青壁。蒼苔石上。時抱膝長吟。但覺莽榛。修竹一。作瑯玕。數相和。斥鷃一枝。聊以自足。庸詎知人世間。何物為溟鯉乎。

孫山人雁洲。有屋數椽。東郊外。隙地半畝。悉種名花異草。紅英的。籬落間。日與同志倡義吟咏。題其居曰衡門之下。宋景濂先生紀竹溪逸民云。戴青霞冠。披白鹿裘。不復與塵事接。所居近大溪。篁竹脩。然當明月高照。水光瀲灩。共月爭清輝。輒腰短簫。垂小舫。蕩漾空明中。簫聲挾秋氣。為豪直。入無際。宛轉若龍鳴。洙泗絕可聽。

桑君悅記。獨坐軒云。予為西昌教官。學圃中築一軒。斗大。僅容檯椅一。椽僅可置經史數卷。賓至無可升降。軒前有池半

畝。隙地數丈。池種菱荷。地雜植松檜竹柏。予坐是軒。塵至不入。胸次日拓。又若左。臨大行。右挾東海。而陰萬間之廣廈也。且坐酬千古。遇聖人。則為弟子之位。若親聞訓誨。遇賢人。則為交遊之位。若親接膝而語。遇亂臣賊子。則為士師之位。若親降誅罰于前。坐無常位。接無常人。日覺紛拏。坐安得獨狀予之所以紛拏者。皆世之寂寞者也。而天壤之間。坐予坐者。寡。不謂之獨。亦莫予同。

明卿曰此中
有識有胆
傲然自得

山居樂

與王無功

杜牧之

敬想結廬人境。植杖山阿。林壑地之所豐。烟霞性之所適。蔭丹

桂藉白茅濁酒一杯清琴數弄致足樂也。

無功答云。僻居南渚。時來北山。兄弟以俗外相期。鄉間以狂生見待。歌去來之作。不覺情親。吟招隱之詩。惟憂句盡。羅含宅內自有幽蘭。數叢。孫楚庭前空對長松一樹。

與頽章

吳均

僕去月謝病還。見薜蘿梅溪之西。有石門者。森壁爭霞。孤峰限日。幽岫含雲。滌溪蓄翠。蟬吟雀啖。水響猿啼。英、相雜。綿、成韻。既素重幽居。遂葺宇其上。幸富菊花。偏饒竹寔。山谷所資。于斯已辦。

謝靈運有語云。竹綠浦。以被綠石。照澗。以映紅。

寄元禎

白樂天

僕去年秋始游廬山。到東西二林間。香鑪峰下。見雲水泉石勝

勝。愛不能捨。因置州堂。前喬松十數株。脩竹千餘竿。青蘿為牆垣。白石為橋道。流水周于舍下。飛簷泉落于簷間。紅榴白蓮。羅生池砌。每一獨往。動彌旬日。平生所好。盡在其中。不惟忘歸。可以終老。

樂天廬山州堂記云。匡廬奇秀甲天下。山北峯曰香鑪峰。北寺曰遺愛。介峰寺間。其勝又甲廬山。太原人白樂天見而愛之。戀、不能去。因面峯腋寺作州堂。三間兩柱。二室四牖。洞北戶。來陰風。防徂暑也。敞南甍。納陽日。虞祈寒也。木斷而已。不加丹。牆污而已。不加白。城堦用石。幕窓用紙。竹簾竹幃。堂中設木榻。四素屏。二漆琴。一張。儒道佛書各三兩卷。樂天既來為主。仰觀山。俯聽泉。旁睨竹樹雲石。自辰及酉。應接不暇。是居也。前有平地。輪廣十丈。中有平臺。半平地。臺南有方

池。倍平臺。環池多山竹野卉。池中生白蓮白魚。又南挾石澗。夾澗有古松老杉。大僅十人圍。高不知幾百丈。修柯憂雲。低枝拂潭。如幢豎如蓋。張如龍蛇走。松下多灌叢。雜蕙葉蔓。駢穢承翳。日月光不到地。盛夏風氣如八九月時。下鋪白石。為出入道。堂北五步。據層崖積石。嵌空雜木。異艸蓋覆其上。綠陰蒙。朱寔離。四時一色。又有飛泉植茗。就以烹燂。堂東有瀑布水。寫階墮落石渠。昏曉如練。色夜中如環珮。琴筑。鼓堂西倚北崖右址。以剖竹架空。引崖上泉。脉分綫懸。自簷注砌。繫如貫珠。霏微如雨。露隨風遠去。其四旁可及者。春有錦繡谷花。夏有石門澗雲。秋有虎溪月。冬有壚峯雪。陰晴顯晦。昏旦含吐。千變萬化。

唐亭

元結

有異石焉。高六十餘丈。周迴四十餘步。面在江口。東望浯臺。北臨大淵。南枕浯溪。唐亭當乎石上。異木夾戶。疎竹傍簷。若在亭上。目所厭者遠。水清泉耳。所厭者水。鼓松吹霜。朝厭者零。雨加暑。厭者清風。

次山銘丹崖翁宅云。丹崖千仞。其下誰家。門前斷舡。籬上釣車。不知幾峯。為其四牖。竹幽石磴。泉飛戶中。又送譚山人云。予為吾謀。有飛泉恠石。老樹藤縈。近泉可為十數間茅屋。松竹滿庭。水石滿堂。石魚負樽。鳧舫運觴。吾則往而家矣。

紀住戶居

釋如曉

予幻寄山寮。喜。隱。有竹。門。有松。砌。有。閒。花。庭。有恠石。墻。角。有梅。籬。落。有菊。中。有蒲。團。旁。有瓦竈。行則隨行。坐則隨坐。額之曰閒。閒處更歌之曰。祇有白雲閒。不得時。出沒萬峰頭。

前齊庾信云。余有數畝。敞廬寂寞人外。桐間露落。柳下風來。鳥多閒暇。花隨四時。一寸二寸之魚。三竿兩竿之竹。雲氣蔭著。落葉牛床。

唐王勃有句云。琴亭酒榭。磊落乘烟。竹逢松扉。參差向月。魚鱗積磴。環昇桂之峰。鴛翼分橋。映芙蓉之水。

又曰。山居勝于城市。蓋有八德。不責奇禮。不見生客。不混酒肉。不競田宅。不問炎涼。不開曲直。不徵文逋。不談仕籍。反此者是。僧牛店。販馬驛也。

山居

羅景倫

余家涂山之中。當春夏之交。蒼鮮盈堦。落花滿徑。門無剝啄。松影參差。禽聲上下。午睡初足。旋汲山泉。拾松枝。煮苦茗。啜之。隨意讀周易國風左氏傳離騷太史公書及陶杜詩韓蘇文數篇。

遂容步山途。撫松竹。與麋犢共偃息于長林。豐州間坐弄流泉。漱齒濯足。既歸竹窓下。則小妻稚子。作筍蕨供麥飯。歡狀一飽。弄筆窓間。隨大小作十數字。展所藏法帖墨跡畫卷。縱觀之。興到則吟小詩。或州王露一兩段。再烹苦茗一杯。出步溪邊。邂逅園翁溪友。問桑麻。說稻稔。量晴較雨。探節數時。相與劇談。一餉歸而倚杖柴門之下。則夕陽在山。紫綠萬狀。變幻頃刻。恍可人目。牛背笛聲。兩。疎來而月印前溪矣。

山居吟云。紅蓮米。紫蕪羹。飯後摩腹東村行。村中有古寺。松竹多縱橫。與僧博奕罷。谿谷忽秋聲。網三魚。射三鶯。簌既陳。酒復清。采菱剝藕供先生。不衫不履無姓名。如此真率味。休傳到市城。

與周元孚

屠赤水

雲房山館前有茂樹。後有長流。上鳴黃鸝。下泳素鯉。佳辰載臨。淑氣始暢。良朋聚首。時而隱囊紗帽。時而竹杖皮冠。心絕濁世之塵。口吐幽人之語。浦咏則冷風徐度。巖嘯則空谷響答。以此卒歲。復何羨人間之浮榮哉。

與范太史

吳明卿

頃構面南山小樓五楹。皆響流泉。牖通遠翠。撫弄琴書。頗足怡老。

屠長卿句云。水色澄鮮。魚排行而徑度。林光淡蕩。鳥拂閣以低飛。

寄項彥父

蔡毅中

結廬浮弋山傍。日坐抱朴子種杏處。峰巒竒峭。松檜畫梅。猿狐清嘯。與寒泉響。吞耳目。改易心神。飛揚倦則。掩關藥物。蔬粥自愛。頗得戲幻造物之趣。回視畏途風雨萬態。孰得孰失哉。

與龍君善

屠赤水

青山在戶。流水環門。異鳥朝鳴。嘉魚夜上。足下黃縹白蛤。與二三同心。蹋軟沙。藉細草。采決明于沅谷。掇胡麻于上流。今晉漁人見之。必以為桃花千樹下。吹笙客。臨風念此。凡骨飄。便欲仙去。

寄三弟小脩

袁石浦

我意欲將葉荷葉山。荷葉堰。俱作短牆圍之。泛烏柏樹中。開門以小舟往來其中。純種白蓮。山內松栗十圍處。一佛堂。萬松嶺上。作一大士閣。記往時每夕陽行此處。則平田萬頃。晶晃耀如爛銀海。且可以東望黃山。極為勝處。山中可多種松。塘上可多種杞柳。弟入村可自閱視。其行位亦自有方畧。太整。即俗弟

自能辦。不須囑也。

王百穀與吳仲虛云。築室山中。梅花如白雲。籠屋世界。都成素鳴泉。澗作高漸離。擊筑鼓。

寄弟

袁小侷

山中已有一亭。次第作屋。晨起閱藏。經數卷。倦即坐亭上。看西山。一帶堆藍天。狀一幅米家墨氣。午後閒走乳窟。聽泉。精神日以爽健。百病不生。三月初間。花鳥更新。奇來住數日。烟雲供奉。受用不盡。

落紅點苔。可當錦褥。艸香花媚。可當嬌姬。莫逆則山鹿溪鷗。鼓吹則松穀鳥轉。和根野菜。不讓侯鯖。帶葉柴門。吳翰甲第。此砥世語也。

或問王光菴寂。空山。何甚久住。曰。多情花鳥不肯放人。

與陸與繩

吳國倫

溪山喜主人之還。大吐氣色。有陶亮松菊之園。而三徑不如其荒。有杜甫尋春之酒。而春衣不如其典。食甘寢寧。不復欲言天下事。

又云。予不能卜名居名山。祇于崗阜迴複。及林木幽翳處。開地數畝。築室數楹。插椳作籬。編茅為亭。以一畝蔭竹樹。一畝栽花果。二畝種瓜菜。四壁清曠。空諸所有。畜山童灌園。雜草置二三胡床。著亭下。挾書研以伴。孤寂携琴奕。以逯良友。凌晨杖策。抵暮言旋。此亦可以娛老矣。

復頌世升

陳雲浦

終南當戶。鷄峰如碧。笋立左。簇退食時。秀色紛墮。盤几泉。逸窓入厨。孤枕夢回。驚聞雨。敲也。

白樂天冷泉亭記云春之日吾愛其山薰之木欣可以導
和夏之夜吾愛其泉淙風冷可以蠲煩山樹為蓋岩石
為屏雲送棟生水與階平生而翫之者可濯足于林下卧而
狎之者可垂釣于枕上

復象先上人

王百穀

侍者至知結廬華頂人鳥都絕松風泉響以當天樂芝朮菌
以當香供雁玉鹿女以當法侶白雲可望不可即視世界衆生
擾何異一塵中蠻觸耶

唐任華送處上人云刺溪白鳥知爾無梳

寄八舅

袁小脩

入山無日不快仰看堆藍山色俯聽跳珠水聲伊飯伊蒲絕嗜
慾神骨俱清覺淨容易遣日自信與山水有緣二三月中山色

泉穀更當十倍老舅如有山行之興當掃乳泉以待

詞云背山臨水門在松陰裡山屋數間而已土泥牆窓糊紙
曲床木几四面攤書史若問主人誰姓灌園者陳仲子不
衫不履短髮垂雙耳携得釣竿篋篋九寸鱸一尺鯉羨香酒
美醉倒芙蓉底旁有^{兒童}大笑喚先生看月起

與友

吳國倫

小築陰山之麓臨溪開圃以閣俯之朗竹吟風高梧漏日客至
擊鮮呼酒花香鳥語夢悵風襟悠然隔世

劉夢得曰霽零浮利于樓居四垂無蔽萬象起滅森來
子露夕朝霞望如飛動簷阿之下大江傾瀉白石磷倒影
羅生風起烟綿與空蒼然州滿洞庭與日與天盡山川鬱乎
不平

逸致

與兄

謝玄

居家大都無所為。正以垂綸為事。足以永日。北固山下。大有鱸魚。一出手釣得四十九枚。

與子

陶潛

少學琴書。偶愛閒靜。開卷有得。便欣。狀忘食。見樹木交蔭。時鳥變聲。亦復歡然。有喜。嘗于五六月中。北窓下卧。遇涼風。暫至。自謂是羲皇上人。

白玉蟾慵庵銘云。有詩慵吟。句外腸枯。有琴慵彈。弦外韻孤。有酒慵飲。醉外江湖。有琴慵奕。意外干戈。慵觀溪山。內有西園。慵對風月。內有蓬壺。慵陪世事。內有田廬。慵問寒暑。內有神都。

與毛維瞻

蘇長公

歲云盡矣。風雨淒狀。紙。窓。竹。屋。燈。火。青。熒。時。于。此。間。得。少。佳。趣。無由持獻。獨享為愧。想當一笑也。

與李端升

黃魯直

數日來驟暖。瑞香水仙。紅梅盛開。明窓靜几。室。花。氣。撫。人。似。少年時。都下夢也。

魯直自題書太白秋浦詩云。寫此時雲。日。流。煥。移。竹。西。牖。下。旋添新翠。有。楊。幽。禽。至。者。時。弄。新。音。琴。可。聽。

與友

蘇長公

東坡居士。酒醉飽飯飽。倚于几上。白雲左繞。清江右迴。重門洞開。林。壑。公。入。當。是。時。若。有。思。而。無。所。思。以。受。萬。物。之。倫。慚。愧。慚。愧。

與友

艸堂前梧風蕙露頓忘秋暑少閒暇即來燕坐莫孤明月也
詞云風雨颯時晴荷葉青雙鬟捧看小紅燈報道綠窓廊
底下蕉月分明枕簟嫩涼生蘭蕙香清朝來新吐百餘莖
撲得流螢飛去也團扇多情

蘇長公

與李公擇

蘇長公

秋色佳哉想有以為樂人生惟寒食重九慎不可虛擲四時之
變無如此節者

與素魯直達

王元美

此身幸在樊籠外西園花事日新佐以醇酒坐卧萬卷中作蠹
魚大堪送日齋中一扁曰半完此言非兄不敢以道

漫程仲龍

祝無功

秋暑漸夷鍾山佳氣下于房權詩景湫前何兄着句

與楊東濱

陸儼山

花間與客坐水晶亭子得佳章累幅不覺滿座生香晚桂將舒
早菊欲放芙蓉映柳條在秋水薰葭之外不當置來濱于其間
讀道書耶

與友

居山有四法樹無行次石無位置屋無宏肆心無機事

與徐子與方伯

王念州

山園書樓成潔不容唾悉徙諸書名西古玩充之披覽之餘焚
香燕坐佐以清茗得二十年不作襜褕客足死矣

復李見羅

李卓吾

閉戶却掃怡然獨坐或時飽後散步涼天出送二三少年聽彼

俚歌。聆此笑語。謔弄片時。亦足供醒脾之用。可以省却枳朮丸矣。及其飽悶已過。情景適可。則仍前鎖門獨坐而讀我書也。
唐陳子昂云。閉門無事。對客黃卷。以終年高論不疲。逢故人而承夜。東坡詩云。先生食飽無一事。散步逍遙自捫腹。不問人家與僧舍。拄杖敲門看修竹。

東王百穀

屠赤水

歲暮食貧。端居寡營。齋頭折紅梅一枝。貯瓶水以供歲事。細君賢明。時不廢燈。前笑語。此中一點靈明。斷非信者所能磨滅。時花教本盛。以瓦筒置碧紗窓下。花氣襲簾幙。間扁其前。檻曰花觴。伺初語

插花不可太繁。亦不可太瘦。多不過二種三種。高低疎密。如西苑布置乃佳。花之所謂整齊者。正宜參差不倫。意態天狀。如子瞻之文。隨意斷續。青蓮之詩。不拘對偶。此真整齊也。中郎語

與龔惟學

袁中郎

兒孫塊肉耳。田舍郵也。身軀手足。偶而已。皆不足安頓。計較客居。柳浪館。晚起看水光。綠疇頓忘。擲沐晨供。後悉稚川諸人。杖而人却落。日晡。掉小舟。以一梳刷水。多載不過三人。晚則讀書。畫一二刺。燈下聚諸衲。擲十法界譜。歛負金放生。暇即拈韻賦題。率爾倡和。不拘散律。閒中行徑如此。聊述之以當一夕佳話。

寄夏道甫

袁小修

山中清寂。晝看夾衣。夜蓋木棉被。樹較前益茂。泉更響。小庵收拾已完。明窓淨几。掃地焚香。讀書。差有李禿翁當日風味。

答于見素

馮開之

長夏無事。杜門焚香。讀西方聖人書。不見一俗士。倦則偃卧涼

風下。自謂不減羲皇上人。故不善仕。亦不樂仕也。

寄友

庚申自春徂夏。老雨不止。山中雲物百變。真可娛老人也。輒念南宮父子。猶落西境中。不若吾家風雨時。皆我西林耳。當以示玄宰。為題話雨二字。

寄虞青霞

張一中

宿雨初晴。小溪新漲。泛米家船。載揚子酒。浩歌一棹。好風送響。素琴三弄。淡月偏宜。洵為烟水幽人。不作風波水險客。

余置一小舟。白板朱欄。垂以細簾。橫敞半窻。可以受月。當風中着松几。有爐。煎香。有瓶。供花。詩卷酒罍。筆牀茶椀。具體而微。布帆二丈許。晝冷雲瘦。鶴順風而翔。於蘆花楊柳之間。

張聖清造一舟。名自在天。凡釣竿詩卷。黃龍隱囊。以至盥洗。

管弦之屬。畢具。客至命酌。清酒一樽。枯碁一局。醉則命侍兒。伽陵弄新聲。聖清按紅牙。倚紫簫和之。渺、度烟際而去。

與陳觀察

王百穀

寒齋梧栝。經雨濯。挾一編。箕踞樹下。倦則擲去。聽秋鶯殘弄。澁如老伎歌。柝葉半鳴。半咽。則大愉悅。以為不減江州司馬。琵琶絃上。數。

東馬聚生

魏肖

昨日暑氣侵人。手波羅蜜。卧北窻下。遂在邯鄲道中。黃梁熟時。則餘霞散綺矣。足下今正作何狀耶。弟又將携枕就涼颺也。

南岳李巖老好睡。眾人食飽下碁。巖老輒就枕。閱數局。乃一展轉。云始一局。君發局矣。東坡曰。若老常用四脚碁盤。只着一色黑子。昔與邊韶。教手。今被陳搏。饒先。着時自有輸贏。着

了並無一物。歐陽公詩云。甚罷不知人。世換世。酒闌無奈客。思家。殆是類也。蘇長公外紀。

與朱太常

劉汝佳

解。憤。披。胸。偃。卧。長。松。之。下。蒼。翠。欲。滴。逸。氣。拂。雲。何。待。歌。枕。北。窓。涼。颼。時。至。始。傲。羲。皇。上。也。

與錢三儒

沈啓原

屏。跡。荒。隴。風。雪。釀。寒。樹。間。濤。聲。叫。號。枕。簟。如。撼。令。人。毛。髮。皆。立。對。此。境。界。劇。有。孤。興。

唐楊炯稱高宏規曰。每至白雲生海。素月流天。未嘗不顧盼山河。抑揚琴酒。

與社友

虞青霞

新。柳。着。綠。黃。鳥。呼。晴。冢。頭。芳。艸。離。牆。外。鞦。韆。送。影。都。可。助。我。

詩興

梁昭明錦帶。語鶴帶雲而成。蓋。逕。籠。大。夫。之。松。虹。跨。澗。以。成。橋。遠。現。美。人。之。影。屬。景。其。艷。

與王半偈

鄔龍門

雨。雪。數。日。偶。乘。興。至。江。口。沽。壚。頭。酒。濁。醪。登。樓。長。遠。望。瓊。林。輝。映。浩。然。獨。酌。山。下。人。家。柴。門。半。掩。青。帘。斜。飄。風。雪。中。遠。水。含。空。上。下。一。白。金。焦。二。峰。如。冰。盤。浸。卷。石。簑。笠。翁。倚。艇。枯。楊。垂。釣。時。存。序。帆。出。沒。烟。霞。乍。隱。乍。現。真。奇。觀。也。安。得。半。偈。主。人。携。陽。春。調。來。高。唱。三。山。間。乎。

與王太史

林太華

夜。半。送。枕。上。忽。聞。巖。谷。折。竹。聲。亟。起。寒。簾。見。六。花。飛。灑。萬。頃。堆。瓊。璀璨。洞。心。乃。朗。吟。唐。人。地。疑。明。月。山。似。白。雲。之。句。輒。驚。喜。欲。

狂。因令小鬟燒松煨酒。連舉數白。投管呵凍。綴成廿四韻。奉投
煖閣。少引胡盧。

宋潛溪太史曰。越有狂生。當天大雪。赤足上潛岳峰。四顧太
呼曰。遍天地間。皆白玉合成。使人心胆澄徹。便欲仙去。訪識
者問之。王冕也。

東方建元

屠赤水

訪汪生不遇。抵酒家。宿一破樓。突烟如織。兩曉雨。淚通夕。不能
眠。寒鴉來鳴樹。巔野風。撼窓戶。雖沈淪。亦復有致。

寄友

程熊

烟雨樓頭水。花片。萬樹皆。紫旆抵。柁葉里中。擁壚澆酒。綠鬢
飛映。清歌激。惟兒走如雲。

答徐孟儒

屠赤水

樓前花木漸成林。終日對坐。每當會心處。欣狀獨笑。客來略去
禮法。盤礴清陰。簡點烟霞。討求松桂。有偶及市朝事。急以白塵
尾揮去。以故身在城郭。不減桃花源。

與羅帥惟審

錢宏

滿堂溪谷松風。旋歌。喏爾時。忽。若忘對牛山。勦睡一覺。真快
活也。

與江綠羅

素中郎

弟生平好樓居。今所居旁有樓三間。高爽而淨。東西南北風皆
可至。亦快事也。又得李季宣為友。江上柳下時。納涼賦詩。享
人世不肯享之福事。他人不屑為之事。頗覺受用。

寄游子元

邵模

瑤艸滿山白雲。滿袖僕將放脚山楫。與朱張輩共鍊刀圭耳。

十九

與友

沈石田

一花一竹。一爐一几。詩編經卷。以送殘日。交遊止于田父。談話止于烟霞。生涯止于時菽。朝市升沉之事。絕不到門。即到門。輒有松風吹之而去。

與凌光祿

王百穀

挾一編。高坐匡牀。聽松間雨。如瀑。金閭澄醪。色皎然。若寒潭。印月。冷吸一觥。快如嚼雪。南面王樂不及此。何暇與羣僮爭月旦短長哉。

東坡與客論食次。取紙一幅。書以示客。云。爛蒸同州羊羔。灌以杏酪。食之。以匕。不以箸。南都麦心麵。作槐芽。温淘糝。裹色抹猪炊。共城香粳。薦以蒸子鵝。吳興庖人。斫松江鱸。既飽。以廬山康王谷簾泉。烹曾坑劇品。少焉解衣。仰臥。使人誦東坡先生赤壁前後賦。亦足以一笑也。

與李惟寅

王元美

僕地擔鄉井。食園泉石。具體而微。春來花事日新。茗香釀美。倦遊則眠。足則起。跌宕書史。游戲翰墨。誠不知老之將至。况一官哉。

三月茶筍初肥。梅風未困。九月尊鱸正美。秫酒新香。勝客晴窗。窻出古人法書名画。焚香評賞。無過此時。

報友

袁中郎

飯後散步城頭。俯仰景色。應接不暇。輕雲遠去。數鳥徐來。人散四聚。笑語分明。一日兩山。條枝可數。步倦歸來。又月色溶溶。笑胸次悠然。乃送而歌之。曰。世情貧自少。歲月病偏多。倚闌看明月盈。上石坡南鄰。好友聞余之歌。乃步月就余。促膝輕談。夜

分而去。此亦因病得閒之一樂也。

寄陳伯子

苦熱如伏甕。夢尋哲人。宛在水沚。滿榻涼雲。與竹風共卧。詎減向峨眉。漱古雪耶。

毛仲章

報楊東濱

陸儼山

夜宿山中。晨起。初日散影。遙田白雲漫地。軟輿經過。俯見城郭。此身真在天上。還坐南牕。映日。送兒子寫漢書一兩段。方啜新稻飯。一盃。此樂恨不與東濱共之。

與周公瑕

王元美

公築室避喧。數十里外。春日如小年。風氣清淑。于綠陰紅雨中。焚香燕坐。乘興對鄧尉山色。弄筆寫黃庭。貽王元美。故人間第一快事。

與林玉峰

張翰翔

山中薜荔可衣。不羨繡裳。蕨薇可食。不貪梁肉。箕踞散髮。可以逍遙。此山中人樂事也。公如有意。不吝平分。

與友

箕踞于班竹林中。徙倚於青石几上。所有道笈梵書。或較雙言四五字。或參韻一兩章。茶不甚清。壺亦不燦。香不甚良。灰亦不死。短琴無曲而有弦。長語無腔而有音。激氣發于林樾。好風送之水涯。若非羲皇之定。亦嵇阮兄弟之間。

與吳之仲

徐獻忠

春鳥鳴于谷中。白雲流于戶外。久無俗跡。車牽空懸。春韭方萌。槽穀亦沸。客到即醉。即熟夢。

种明逸性嗜酒。嘗種秫自釀。曰空山清弄。聊與養和。自號雲。

溪醉侯。

與友

應。醉。之。暇。人。事。屏。絕。門。無。越。剌。庭。有。落。花。擊。清。磬。教。教。焚。好。香。
一。片。靜。坐。一。餉。俗。慮。潛。消。

吳從先

蘇長公曰。游廬山白鶴觀。長松陰庭。風日清美。獨聞碁。碁于古松流水之間。意欣然喜之。

與友

屠赤水

紅潤凝脂。花上繞。過微雨。翠勻淺黛。柳邊乍拂。輕風問婦索釀。甕有新芻。呼童煮茶。門臨好客。先生此時情致。何如也。

赤水有句云。翠微僧至。衲衣全染松雲。斗室經殘。石磬半沉。蕉雨又云。茶熟香清。有客到門。可喜鳥啼。花落無人。心自悠

與蔡雨通

蘇紫溪

香一炷。花數種。酌寄桑生。送事數升。付世界於恒沙。等塵於浮沫。

晚間紙窓上。月光漸滿。竹影半橫。取蒲團靜坐。覺得又是一境界。

吳從先曰。焚香倚枕。夢境未來。此時可名卧隱。覺鑿杯坏住。山為婦。又曰。稍涉世味。一觴一詠。都減風味。

與友

何虛

密樹映戶。蔓艸綠堦。流火既西。涼颼乍颯。秋蟲四起。習燿亂蜚。神骨蕭冷。此時念長安名利客。無此風味。

紀遊

鏡湖帖

鏡湖澄澈。清流瀉注。山川之美。使人應接不暇。

王子敬

與弟

聞惡道溪中九十九里。有五十九灘。五王右軍游此。嘆其奇絕。遂書突星瀨於石。

謝靈運

答謝中書

山川之美。古今共談。高峰入雲。清流見底。兩岸石壁。五色交輝。青林翠竹。四時俱備。曉霧將歇。猿鳥亂鳴。夕日欲頽。沉鱗競躍。寔是欲界之仙都。自康樂以來。未能有與其奇者。

陶宏景

與施泛事

故鄣縣東三十五里。有青山。絕壁千尺。孤峯入漢。歸飛之鳥。千翼競來。企水之猿。百臂相接。

吳均

登汝州龍興閣

漸出軒戶。遐瞻雲天。晴山翠遠。幕江碧流。屈指鄉路。還疑夢中。開襟危櫺。宛若空外。

李太白

答馮子華處士

王績

烟霞山水。性之所適。琴瑟酒賦。不絕于時。游人間。出入郊郭。暮春三月。登于北山。松栢翠吟。藤蘿翳景。意甚樂之。箕踞散髮。與鳥獸同群。醒不亂行。醉不干物。

與韋處士

顏况

凡遊山水。若無春軸。復無幽人。攜手何異。飛鳥一翼。行車雙輪。眼界孤矣。

遊西山

柳子厚

上高山。入深林。窮迴溪。幽泉怪石。亡遠不到。則披草而坐。傾

壺而醉。則更相枕以卧。意有所極。夢亦同趣。不知日之入。蒼
狀暮色自遠而至。無所見而猶不欲歸。

與李公擇

蘇子瞻

子由近作棲賢記。讀之慘凜。覺崩崖飛瀑逼人寒栗。

與邵彥瞻

秦少游

春色逐爾為狀。艸木魚鳥各有佳意。廣陵多登臨之美。臨風把
盞。所得故應不貲。

與友

袁石公

秋入柘花源。餘暑尚熾。遂憇德山之院。塔院後嶺有古樟樹。
婆娑偃蓋。梁山青色與水光相盪。蒼翠茂密。驕熖如洗。

與俞仲蔚

王元美

三月登太和銀瑛象管。節續雲氣中。幡節婀娜。聽如意指。禪玉
京之遊。當不過此。

寄友

湖光瀲灩。新柳如髮。青雀紫駟。何處不尋。

寄朱子翼

王懋昭

取道桂林。兩岸高懸。翠壁晴嵐。片片飛入。青雀惜無足。下佳句
點繪。安得借巨靈臂。移置東海濱也。

與友

徐文

昨把袂酣遊。飛觴痛飲。漁歌斷處。碧芷浮天。帆影操時。綠蕪漲
岸。風吹霍袂。人訝水仙。歸來猶有一段花香。樹色留我衣襟。

與崔鶴汀

莊起元

蘭江靈洞。松聲如濤。鮮鱗鋪翠。雜花驚霞。得仙仗臨。况至今猶
觀。香彩未散。不知此勝遊。何時續也。

與王方伯
秋容如洗。烟雨南湖。涼不減。西子淡粧。往者當面失之。別後相思何益也。
黃汝亨

與吳大叅

頃避暑東洞庭者二月餘。長松限日。飛瀑如雷。盧橘楊梅。數輒數斗。恨不與先生共之。

與馮開之

西湖五日主人。千秋欣賞。何當喚起逋仙。同醉菰蒲。暝色。

屠杰水

與悅如僧

吾師補衲費山雲。秋葉幾何完。時待吾于西子湖。共木杯西渡。

王百穀

與戚將軍

登矣山大。潄淋如流泉。翠微沾。上。衣袂。

徐榛

復高襄之

日來擊楫中流。挽大江東去。水煮松蘿茗。一服便覺俗腸洗盡。離家漸遠。氣體日清。元門晴色如蛾。如黛。次第撩人。

王次公

寄張幼于

松風吹鬢。蘿月侵衣。縱步林臯。曠狀自遠。愧無眉山賦。負此良夜。

許君信

與何天玉

澄潭泛月。畫航飛觴。花風薦涼。蓮衣撲座。此樂令人醉飽。由連而不能去。

王次公

與項明父

秋色漸老。三徑在。夢落英滿袖。餘香襲人。

潘雲龍

遯思

東坡有云。身且老矣。家且窮矣。與物日忤而取途且遠矣。將明滅如草上之螢乎。浮沉如水中之魚乎。山有蕨薇可羹也。野有麋鹿可脯也。一絲可衣也。一瓦可居也。詩書可樂也。父子兄弟妻孥可游衍也。

沈約與徐勉云。暮年努力祇事外觀旁覽。尚似全人。而形力不相綜。揖解衣一卧。支體不復相閱。取煖則煩。如寒則必。科百日數旬。草帶當應移孔。以手握臂。率計月小半分。若此不休。將貽至恨。

文文山吞鍾井玉云。杜門避影久矣。出山一事。不到夢寐間。聞命誤節。湘羅笑人。方循墻丐祠。以安半菽。倘拜俞音。春晝花陰。猿鶴抱朴。六五雲之餘蔭也。

方遜去與鄭井度云。處塵埃中。不慣與流俗往還。厭其喧鬧。每欲一榻于萬山絕頂。人跡所不到處。送一二友生。讀書嘯歌。以自樂。

王鳳洲與歐楨伯云。僕老此山鎮。粗飯濁醪。翰墨自寬。了不知其薪之積也。春來作夢。無非故國。遂與春明絕矣。

袁石浦報陶石簣云。岑寂中讀家弟諸刻。如龍雉。鶴忽。聞林間。鳴喚之音。恨不即掣條裂鎖。與之偕飛。

宗子相報徐子與云。僕昨移書武君。日遣白雲候我。當事者重違其意。乃出僕參議閣。潘明月南呼。黃鶴來問。恐山中之環珮。珊珊矣。

曹司直與左觀察云。秋風東來。時有江鱸之想。足下以行藏窺我。世路坎坷。惟杜門作倒挂鳥。不復搵齋瑟矣。花閨曲。折雲。

來不認灣頭草。送出涪葉落。但敲門扇。長卿語。

袁中郎與蘭澤雲澤并云。金閭自繁華。令自苦。畫船簫鼓歌童舞。如此豪客之事。非令事也。奇花異州危石孤岑。此幽人之觀。非令觀也。酒壇詩社。朱門紫陌。振衣莫釐之峰。濯足虎丘之石。此遊客之樂。非令樂也。令所對者。鷄衣糧長。箠口刁民。及蟻蝨滿身之囚徒耳。蘇何有于令。何有于蘇哉。請看來春吳縣堂上。尚有袁知縣脚然否。

遜

王逸少與吏部郎謝萬云。頃東遊還。修植桑果。今盛敷榮。率諸子。挹弱孫。遊觀其間。有一味之甘。割而分之。以娛目前。雖植德無殊貌。猶欲教養子孫。以敦厚退讓。或有輕薄庶令舉策。數馬。彷彿萬石家風。衣食之餘。欲與親知。時共歡燕。斟杯引滿。語田里所行。故以為撫掌之資。其為得意可勝言耶。

江文通與友云。淹性有所短。不可韋弦者五。頭拾薇霍。誦詩書。欽骨。折步不踐。過失之地。猶以妻孥。未奪。桃李。須陰。望五畝之宅。半頃之田。鳥赴。簷上。水匝。階下。清送此隱。長謝故人。為建安令時。地在東南。嶠外有碧山水。丹山珍木。靈草皆淹生。平所至。愛不覺行路之遠矣。山中無事。與道書為耦。乃悠然獨往。或日夕忘歸。放浪之際。頗著文章。自娛。又云。所愛兩株樹。十莖草之間耳。

東坡吞端升曰。得罪以來。涂自閉塞。扁舟艸履。放浪山水間。與漁樵雜處。往為醉人所推罵。輒自喜。漸不為人識。平生親友無一字見及。有書與之。亦不答。自幸庶免矣。足下又復創相推與。甚非所望。亦有瘦石有暈。犀有通。以取妍于人。皆物之病。

也。自省三十年来。所為多其病者。足下所見。皆故我。非今我也。陸放翁跋劉凝之陳令舉騎牛圖云。公卿貴人。方黃金絡馬。傳呼火城中。時欲如二公。山谷騎牛。山谷蕭散遺物。固不可得。劉伯壽結菴玉華峰下。號玉峯菴。主有妾名護。草芳艸皆秀麗。而善音律。伯壽伯出入。乘牛吹鐵笛。二草以斲笛和之。穀湍山谷。牛行即行。牛止即止。其止也。必命壺觴醉而歸。

文文山復謝教授云。寒簷積雨。抖擻無棕。得書讀之。昏眼為之拭。某落白雲間。一疇春綠。自飯我犢。浮世榮辱事。付之山外。美人一方。琴書自造。為誦停雲三過。與繆知府云。某茅屋三間。在萬山深處。借書沽酒外。一毫不以為公。私撓獨詩松百畝。日騎牛叩角其間。天惠仁侯。自此吏不打門。犬不夜吠。猿呼虎嘯。各適其適。則某受賜多矣。謝章魚書啓一壑白雲對哺鳥而俯仰。十季流水忘塵夢之去來。

王會州與石拱辰云。不佞近孟治小祇園。不減白香山履道池。上他日把甕其間。不失老圃。斥置金石古文。近萬卷。咀咏之餘。不失作老蠹魚。園有佛經一藏。力欲求趣。闌之而逃。鳥不失作老衲子。足矣。足矣。所恨者江左多文士。軟美交。不得公輩。偉人開我三徑耳。

吳明卿與吳憲副云。久居樊籠。乍得脫。性益疎縱。望城市如鳥避烟。見衣冠如鹿。蹈穿秋氣早清。當當獨造西湖禪林。期握手半日。又云三十年孟浪精神。近稍收拾。蒸栗煨芋。一窮清僻之樂。世事不復相關。

屠赤水與李惟寅云。隆自掃無青雲骨。聊薄遊爾身。為鷺鳩何議。圖南口。鄧江上。葦蕭將結廬。四明之下。山靈知不逐客也。

沈懋學與林同年云。敬亭之薇。苾味頗甘。宛水之棹。風波不惡。僕將樂此終身矣。門下有意乎。當訪我于古松流水之間。樵海先生。平不知朱門何物。日偃仰青山白雲堆中。以一瓢消磨半生。

范應期與張幼于云。揆扉山中。以多病逼衰。揣分知止。非敢舉筮蔽面求避元規之塵。以異終南之捷。

王俸答葉揆日云。數年林卧。漁牧為群。螫鳥寒蟬。僅存喉舌。雖齊年吾丈。而齒髮漸凋。少時躍馬揮戈之氣。摧刺殆盡。披綠蓑釣五湖。一椽三畝。老我餘生。親友促駕者。固迫付之一笑耳。

袁中郎與蘇潛夫云。弟此一條懶筋。真難拔。夫弟豈以靜退為高者哉。一亭一沼。計此子便宜。是弟極不。成才處。若謂弟以是為高。則弟之眼如雙黑豆而已。

東沈懷棧第五十矣。築壙九峯。世懷多絕。每當花香月白之時。策蹇刺舟往來。空青禎碧間。便可畢世。茲且大浸稽天。無復着我嘯歌處。日杜門束肚。手一編。送蠹魚。乞殘飽耳。王中丞玘

嘗榜其堂云。天上有人扶日月。山中容我老漁樵。毛仲章與王百穀曰。爾日抱病伏枕空林中。惟有蟬聲松影一破。穿窅。

馮開之答朱瀛海。青山白雲性之所適。孟以法喜禪悅之樂。一官何有。

袁中郎與何容部云。扶杖而出。借教衲往玉泉。收堆藍山色。飲仙人掌茶。此地元宿。經由他日入沮漳。聞路人云。智者洞中有一老頭。作鬚髮如敗葦。身若豎銅。飲嵐。臨石語人。以目不以口。者是必我也。兄去旌節屏侍史踪之。或可得。不然與麋鹿同駭。

而去

恨

遼后蕭氏回心院詞云。拂象牀。馮夢借高堂。敲壞半邊。知妾卧。恰當天處。少輝光。裝繡帳。金鈎未敢上。解怯却四角。夜珠光。不教照見愁模樣。剔銀燈。須知一夜明。偏是君來。生彩暈。對妾故作青燐。張鳴箏。恰語嬌鶯。一送彈作房中曲。常和窻前風雨聲。

步非烟。吞趙象云。下妾不幸。垂髻而孤。中間為媒妁所欺。遂匹合于非類。每至清風朗月。移玉柱以增懷。秋帳冬缸。泛金爵而寄恨。豈期公子。忽貽好音。紫華絨而思飛。諷麗句而目斷。所恨洛川波隔。賈午牆高。聯雲不及于秦。夢薦雨。夢還于楚。曲

吳虞翻云。自恨疏節。骨體不媚。犯上獲罪。當長沒海隅。生無可與語。死以青蠅為吊客。使天下。一人知己者。足以不恨。

王弼州與周升夜云。長安中風濤洶。一葉上下。分魚恨腹矣。又不以即禦魑魅。而禱東藩臣。齧齧刀筆間。蓬垢而涉。姑女之津。不免風雨。良可嘆。

汪南溟與王百穀云。雅思賢路儘寬。既不容吾。則丹邱石室。當不逐客。將與山靈。結一段清緣。日向萬卷中。作五色蠹魚。三食神仙字。所謂生無一日歡。死有千古業。者弟或叨之。

思

陳周宏讓復王褒云。各在天涯。難為胸臆。清風朗月。但寄相思。搦管嗣音。鼓淚俱咽。

何遜為衛侯與婦云。帳前微笑。涉想猶存。幄裡餘香。送風且歇。
掩屏為疾。引領成勞。鏡想分鸞。琴悲別鶴。心如膏火。獨夜自煎。
思等流波。終朝不息。揚用修閨情詞云。費長房縮不盡相思。地女媧氏補不盡。

柳願言。春尹義尚云。別離二國。雲雨十年。心想河陽。銅雀無遠。
鳴蜩抱樹。亟見藏冰。歸雁嘶芦。頃歷寒食。靜言念此。如何可忘。

劉善明。遺崔思祖云。昔時之遊。于今邈矣。或攜手春林。或負杖
秋澗。逐清風于林杪。追素琴于園垂。如何故人。徂落殆盡。足

下擁旄。北服吾剖。竹南旬相去千里。間以江山。人生如寄。來會
何時。劉孝標春耶時云。晚浮雲以搔首。臨清風而浩歌。元帝與劉智藏云。白雲間之蒼江。不極未因抵掌。我勞何如。

白樂天與元九。不見足下三年矣。以膠漆之心。置于吳越之身。
進不得相合。退不能相忘。各欲白首。如何如何。作此書。正在艸
堂中。小窓下。信手把筆。聞山猿谷鳥。哀鳴啾啾。平生故人。去我

萬里警狀陳念

雀鶯。卷元微之。自去秋以來。常忽。如有所失。于喧譁之下。
或勉為笑語。聞宵自處。無不淚零。乃至夢寐之間。亦多叙感。因
幽離之思。綢繆。縹緲。暫若尋常。幽會未終。驚魂已斷。雖牛衣如
煖。而思之甚遠。

東坡與王慶源云。但值登高。西南引領。即悵狀終。近稍能飲
酒。終日可飲十五銀盞。他日粗可奉陪。于瑞州橋路上。放歌倒
載也。

與王元直云。黃州真在井底。杳不聞鄉國信息。此中凡百粗遣。
江邊弄水。抵菜便過。一日或聖恩許歸田里。得款段一僕。與子
衆。文楊宗文之流。往來瑞草橋。夜還何村。與君對坐。莊門喫瓜
子炒豆。不知當復有此日否。

與葉進升云。到家秋氣已高。窓中蕭然。思與足下談笑之樂。恍
乎若相送于夢中。既覺而不知卧于虛榻也。

錢文薦與葉貞父云。湖上一別。不知幾寒暑。歲暮云暮。江光鴈
影。寂寥堪悲。不淨素心人。共數晨夕。我懷何如也。隴頭梅花香
無信。末由折一枝將敬。奈何。

文丞相與友云。願影躊躇。漸有雲東西之迹。懷人飛越。相望
斗南北之輝。

宗子相寄許性之云。零霜握別。倏已殘春。歲序殷流。離心超忽。
憶昔滄洲聚首。風雨停卮。謔語雄談。千古一快。紅塵忽接。青山
擲遠。春波正添。芙蓉漸綠。夢魂翩。鬢鬢。珠延結。延結。

屠去水與姜仲文云。白日速行。青鬃易老。何時同問一邱。追想
歌馬彭城。剪燭官舍。烏啼霜冷。月落斗斜。戲馬弔項王之霸圖。

放鶴懷蘇公之遠韻。連宵枕藉。累日沉溟。故歡香狀。言之心斷。
目望天末。悵矣神飛。

王元美與袁履善云。足下舍我去。延頸望西山。雲氣身在塵土。
無由飛越。計使事畢。當得取便歸。眷湖魚鳥。不驚春舫。

與王元美別來。迭句讀中。暗度春光。不知門外有酒杯。花事每
憶園曇觀。州錄鳥啼。近隨杖履之後。笑言款洽。如此佳况。忽落
夢境矣。

張國綬與王養恬云。憶分袂時。陰雲黯淡。垂柳依稀。固自淒絕。
即今紅杏。絳桃。何異張生眼中血也。引領南陌。但見芳艸。凄
王孫何日歸耶。

虞邦譽與陳仲倩云。刻燭雄談。引杯款語。夢想都為佳境。別來
音問。遂杳。夜郎晨鐘。總是愁人擔子。

與馬策之云。髮白齒搖矣。猶把一寸毛錐。走數千里營。一冷坑上。此與老枯。踉蹌以耕。拽犂不動。而淚漬肩。瘡也者。何異噫。可悲也。每至菱笭^候。兀坐神馳。而中心尤搖者。策之之所也。

曾確菴寄梁乾吉云。此來馳逐長安。無停晷。願精魄未嘗不飛。越鐵樹柳門。間延想吹角鳴沙。羯奴宵遁。第月明橫笛。風起悲。茄。碩。瞻。眇。儔。各。在。一。涯。西。方。美。人。增。我。勞。結。

張重華與弟。夜色浸庭。蛩散開砌。池塘未夢。姜被生寒。燈火漸微。侍兒重寐。風竹雨簷。交起弄人。不知花鬢樓前。誰人吹玉笛也。悽焉心淒。恨不長枕。

元美與吳明卿云。曷觸而聚。曷剖而解。天涯比鄰。固古人神曠之說。想像容色。至于屋梁。又何悲也。落月

劉汝佳寄兄云。遙憶秋之半。舉觴問月。仰醉桂枝。塢堯並吹雲。

和俱響。樂哉乃今。已作千里別。寒風聽。刮面也。

與項楚東云。初堅容戒。如棘籬護。笋咫尺。相隔頃者。柳花如霰。鴛鴦倦飛。小階寒。惟殘爐尚燼。恨不與兄共之。盈、帶水雲樹思

凌約言與秦文橋云。常憶十年席間。吹竹彈絲。鬪泉射覆。高歌將進酒。不問夜如何。真可方河朔飲也。蒼茫宇宙。如是者。更得幾番。兄一念及否。

周獻臣寄鄒太史云。燕門斗酒。天涯兄弟。眼前肝胆。竹下清風。尊中明月。劇談放歌。至歡也。別去春明門外。邈若河山。可勝停雲之感。

屠赤水與馮開之云。秋風忽送。何來感我。白苧涼生。天末君子。在懷。既嘆睽離。復嗟揉落。我心何已。

汪伯玉寄僧云。浪迹吳越。畏暑未歸。翹首菩提。無由聽法。悵可

知己臨湖西望。水面蓮花如睹。法眼。

張國綬與陳雨穀云。分袂以來。俄驚歲餘。春光鮮媚。鳥轉花香。不得知己晤對。為悵。大都離愁別恨。難罄筆底。惟願杜宇。聲長在君耳。搵觚之時。淚落紙上。

王世茂寄張不偏云。望天際。一痕便思飛觴快飲時。坐沉紅燭。難在夢中猶聽君家雪兒唱白苧也。屋梁月幾滿矣。何時坐渡江皋。

孔頴之寄朱景周云。一水盈。重門深閉。玉人夜送。何來路來。皆我夢境也。計燈前剪燭細語。當在林鶯喚友。梁燕將雛之候。王百穀與友云。別足下。葛裘。交易都不記。得木落。昔陵廟裡。霜耳。

虞青霞寄張不偏云。馬首去白門。動經隔歲。八公州木。鍾山州。

雲氣都是故人念。頭不知秦淮河上。何日再開笑口。見時。酒雙柑斗酒。作長干。半日佳話。

黃光宇報李惟寔云。庭樹吐秋。谿雲入座。風來簾外。月滿梁頭。不佞片心。已炯。在左右矣。

何喬新與袁象湖云。時下秋思漸佳。想高堂勝事。種。殊絕。碧格翠石。環帶軒除。秘籍珍圖。輝映几席。每思吾兄風格。不覺形超神越也。

王百穀寄孫汝師云。江上黃花。燦若金蟹。匡大。于斗。山氣日夕。佳樹如沐。翠色滿裾。願安得與足下。箕踞拍浮乎。

洪五明與秦贊可云。沿河柳色尚帶臨歧淚。痕歸來每日凝眸。恨。不得倩巨靈手。推倒西山也。

汪道亨寄岳儀部云。別來忽。經年。每向梅花月下。如見顏色。

一領爰畫動如綠史。遂與故人。邈若山河。

馮開之寄楊伯里云。與足下相見武林。不知是何歲。但足下風調才情如青山綠波。舉目便是。何止不忘。

徐榛寄涂祠部云。白鷺洲前。江山攢翠。足下猶夷蘭省。謝氏雙屐。猶有花痕。松雲遠思。怦然心動。

屠長卿寄友云。江心邀月。把酒論文。穀浪平鋪。星河倒挂。涼颼襲袂。高語破心。令人生常如此。何論擁城百二也。同車無引。領為勞。

宗方城寄友云。衡山阻雁。空憶三秋。艸角花鬚。悉為濺淚。

王百穀答沈飛霞云。沈郎瘦似黃花。終對黃花。便黯然相念。

馮開之與屠長卿云。秋風瑟瑟。曉露欲結。何時與足下共竹窓燈火。

屠赤水寄友云。高齋不在天上。聯床夜雨。擊筑涼風。遠莫致之。安得化為青鳥。入公羅浮夢耶。

張不偏寄虞青霞云。過淮陰。只覺清風滿袖。狀終解煩。不得觸熱歸來。北憲支枕。小蝶時相。左右安得。兄亦尋道。夢中連翩江上乎。

鄧原岳寄徐惟和云。不佞抵吳。則已聞足下北矣。徘徊于橫塘。烟雨間。意極惻。

王訓寄友云。踏月盧溝。猶記笑語。馬首南來。雲山竹樹。風沙烟鳥。都足牽人愁悶。

王次公寄劉華父云。一別一年來。問京都。觀裡桃花。再開多少。人壽幾何。能無離恨。

江桂寄友云。坐月棹雲。吐勝遊。歸來科首烟蘿中。三見玉兔。

生未及秦記。菌閣遙想巖桂。飛磬松霞滿榻。凌晨漱齒。磬聲琅琅。清虛自來。煩心銷盡也。江際霜寒。強飯自愛。

徐宦文與友云。人事叅差。對筆心割。昔人云不必論往事。恐啼山中猿。此別情也。想兄共之。此時月照李花清瘦冷淡恰似對石罽面孔也。素宗道語。

王百穀與都郁文并云。五旬不下半偈。出見綠樹。濯海榴一蕊。半蕊殷。綴其間。但惜無人面相映。又淒狀。九迴耳。

章宜寄張幼于云。足下結廬湖上。黃葭為鄰。西山流碧。明月入帷。吶。茂陵秋雨。念病相如否也。

呂圖南與魏世愚云。萍水面足下。遂成膠漆。魏君耐久朋也。別後。觀流螢三度。雙魚孤雁俱寥。翹首瀘陽。輒有美人天一方之嘆。

王百穀寄馬姬湘蘭云。廿七日。發秦淮。殘月在馬首。思卿尚未離巫峽也。夜宿長巷。聞雨聲。旦起不休。與夫泥沒。骨良苦。見道傷花雨中。花彷彿湘娥面上啼痕耳。

又與湘蘭云。吳山如黛。望借紅袖拂白雲。令山靈色喜。乃車音杳狀。戀與黃口兒。燕婉不貽。譏紅拂諸人。秋雨寒歲暮。終一相思。便增白髮。

汪南溟與湘蘭云。歸來百合。疑人夢。魂中帖。卿牀褥也。把臂有緣。神交何由。

盛鏗侯與洪朴子。夜卧蘆橋里。夢回聞浙瀝聲。蒼想年前。閨下時。不覺枕前淚。階前雨。隔箇閒窗。滴到明也。慘人慘人。

屠杰水與卓徵父云。蓮舟過塘。極使人物色足下。屬有婁上之行。是夕落颿。河渚與友人散步大堤。虹染百丈。烟火萬家。管絃拂沸。樓魚腥蝦。腥市高吟。唐人停燈待估客之句。大自淒涼。良

以不見徵父。

王右軍問行帖。天氣且未佳。汝定成行否。寒食近。得且住。為佳耳。楊用脩云。宋辛稼軒詞。官游吾倦矣。玉人留我住。道明日。是落花寒食。淨且住。為佳耳。晉人之語。一入教律。其妙如此。

青蓮送權十一曰。吁。舍我而南。若折兩翼。時歲律寒甚。天風苦聲。雲帆涉漢。同若絕。雷舉目。四顧霜天。崢嶸。獨孤及送李白云。子出入燕。未與白雲為伍。仙藥滿囊。道書盈篋。送子何所。平^臺之臺。隅短歌薄酒。擊筑相和。大丈夫各乘風。波未始有極。哀樂且不足。累况小別乎。

任華送李秀才云。碧峰峽。出于柏梢。如虎牙。夾天而立。加以白日欲落。掛在巖半。橫照灘水。日帶微明。揮袂于茲。恨無崑山片玉。以相贈。

又送李秀才云。嗟乎。蒼梧之片雲。隨風東西。片雲如是。孤客亦如是。滄波遠天。混和暮色。孤舟一去。曷日而旋。

又送魏七秀才云。江亭暮天。勿辭一醉。後解纜。則月照滄浪海猿啼。碧山其奈爾何。鮑凱張鳳鳴柳河流

鳳洲與王元馭云。分袂時。睹况悲惋。乃知千古河梁。尚為鹵莽。弟雖勉強作夷狀態。過舟便不能禁。斜陽在衣。與影相吊。涼。踞。然若鬼趣。

陳夢熊與項明父云。數年不得見。輒別笑語。未可風吹。斷快。快謂何。

虞邦譽與孫玉繩云。一片熱心。都被布帆捲去。能不作有情癡。誦河橋風雨夜。推篷之句。更添行淚耳。

文太清報方元順云。白雪載塗。征蹄向暮山。一派萬峰中脈。

難為懷也。渡江來。懷抱尚蒼茫。無佳處。

劉大受與戴君肇云。把袂河梁刺。正難分矣。風引孤帆。蘭橈
迅舉。薰葭簫鼓中。便成千里。涕泗涓涓。與江流爭漲。托花潭水
弗言。添矣。

陳心陽報友云。僕明日解纜矣。汀月孤舟。增我離思。前路山川
奇勝。當盡寫以贈君。諸君徜徉酣暢時。輒與心陽山人僕。雖千
里。且神來也。使者言旋。北望彌愴。

盛錢與紀和元云。然堆紅粟。一帶寒流料客子。羈途不容不登
樓。悵。別君一吳公。行鼓掉矣。把酒各天風雲在念。

胡文煥寄友云。鼓柁渡江。清光漸遠。夜來江水添一篙。皆不佞
相思淚也。回首石城。茫茫雲樹。

王百穀與馬姬云。僕且行矣。恐君淒狀不敢握手。松間一榻春

以為期。行雲東來。無負狀諾。長安東門別。立馬生白髮。終吟此
篇。淚痕滿袖。

虞邦譽與孫玉繩云。孤帆遠引。回首故人。渺在雲外。不知莫愁
湖上。能消幾多愁也。

吳應秋與范貞宇云。弟將滿船別恨。載過江南。不知馬上行人
亦有一轡。離愁搔首。嘆西風無也。

中郎與王子穀云。弟屈指生平別苦。惟少時江上別一女郎。去
年湖上別一長老。合今而三耳。女郎以情。長老以病。此病非
病。非情亦復。復填膺之甚。即弟亦不知所以也。讀扇頭詩字。
涕泪再見何期。令人腸癈。

盛鑑侯別孫孝培云。橫襟者未幾。便買舟西去。吳宮花州中人。
遽作秋江黃芦中。客必酒痛飲百壺。

東鄭叔子云。卧病中知君東去。恨白駒之難留也。悲風颯。送
窓隙中來。明日強起餞君。祇恐酒入愁腸。便送眼底出耳。

旅

文文山吞唐書記云。花朝後六日。奉重闈沂灘而上。禊前一日
抵空同。郡事稍簡。俯仰半井。皆膏肓賜也。江湖寥落。鴻影參差。
安得素心人。相與數晨夕。每誦此詩。寢不成寐。

林世吉寄陳時應云。冰雪載塗。朔風凜冽。蕭々孤旅。逼歲遙征。
每對野店梅花。聽寒空過雁。驚魂增涕。明朝又履端矣。想州堂
叢慶。杯傳柏葉。陶然笑語。忘念及游子否。

秋庭旅榻。矯首陽關。鄰笛寒砧。搥腦人耳。琴劍孤踪。頗梅
作伴。回首白雲。天際渺々。中心惘惘。游絲飛絮。易易客情。

雁語蛩聲。輒生鄉思。

訊候

劉鱗與允清云。近來起居何如。行窩何安。及門之客。幾人。想揮
毫吟灑。不讓杜陵。

凌湛初復沈太史云。秋添萬木。薜荔可裳。想蟋蟀寒蟬。已入吳
客詩囊矣。

汪南溟與陳山人云。為問七十老翁。日何所樂。有帛盈箱。有稻
登場。霜橙露葵。黃雀紫蟹。四腮之鱸。三白之醪。齋厨不乏。而日
與鵝髮媪。抱子弄孫。說桑麻課稼。致足樂也。

黃洪憲與陸羽行云。江南此際。鱸如玉。蟹如盤。黃桂丹楓。飛香
綴錦。吾丈携名醞。山頭作白眼。歌楊白花。亦甚快。

王元美與周公瑕云梅花屋兩日當甚佳翠禽啼惱足下清
夢莫以為萼綠華否

屠去水與馮開之云何處別君典也竹枝無伴慄殺教聲啼鳴
鼓角月明簷馬風咽足下誰與為歡五湖烟露將無淒淡

宗子相寄沈二丈云春事方新楚天日遠湖上主人生事如何
孤艇白萍明月萬里懷人寄思幸分一二

祝無功與方衆甫云園亭梅增我樹菊增我本紅葉黃柑無恙
乎秋風日佳黃雞紫蟹肥矣高臺明月何人共之六憑欄望西
南否

許君信侯孔穎之云南鴻入北雲不問足下溫寒惟問太夫人
持杖擊仙郎力健勝韓家母子陳嫂胡姬烏雲髻為寧馨搔亂
乎之下咏桂枝小山乎時弟病手投筆如杵語難多及

東王父墓王博書問衙齋園蔬肥且綠否井邊三柳可藏鴉否
鶴飢否馬骨高否人吏淨毋太瘦否雞狀不如是不足以顯清
白吏

贊美

東坡跋西苑云君厚西苑處不充篋詩出不汗牛馬明窓淨心
有坐卧之安高堂素壁無卷舒之勞而人物禽魚之變態山川
草木之奇姿繁狀陳前六好事者之一造也

洪時臯與朱佐侯云未到芝岷馬上清風對面郁吹來已知
公之清政飄矣

鳳洲與友云足下天才溫發秀語匠心故與蒲團不相妨身隱
焉文此猶未是寔際語當不使泉石落棄也

素小修寄頌太史云先生靜居山中有性命可究有書可讀有山水可遊適安往而不樂天地間慧人高士放得十餘年閒便為千古點出無限奇言妙義開拓無限心胸生不知何日讀瑤篇聆玉屑也

王百穀與傅令公云波然道左而窺使君行春也烟姿柳色霏微綠綬間仙令才媿子安不嫺作賦輒成一篇題扇頭奉揚仁風恐不堪使君懷袖耳

陳文燭與張洪陽云沃聞明公元論真心如明鏡觸物朗然暑月懷冰自有霜氣鞅掌中一念及之便入清涼界矣

湯賓尹柬李知吾云挾潘季游華秀醉人芙蓉叢中突出一奇物非泉非石非烟非霞側而視之泉石烟霞無不有也急攬之袖中恐其躍出更不意得私為知吾稱知吾是已冬月何處

置納潘季去懷遠有宛陵生廬可訪耳

錢文薦寄吳按節云明公世緣泔淡日携九節蒼藤逍遙于銅官玉女間謝太傅東山一墩不足數第恐蒼生不忘太傅一夕安車屈門銅官玉女安得為明公有耶

屠赤水與高吏部云一到此人家輒如入天台石梁青松白雲最深處側聆元論如飲懸崖寒溜冷齒牙爽狀快也吏治牽人逡巡辭去便被風塵驅入火宅至今私恨與屠赤水云先生言霏流霞競爽眉際都是晉人氣味一見涼骨癡俗人那淨領如許清快

太白語云此千秋如月在水李華語云惠風吟于秀水朗月鏡于安流李德裕語云澤泛雲游心入淨水樂朋龜云論清政而水鏡無光吐赤誠而丹霞失色沈太僕愷春帖云

身入兒童闕州社。心如太古結繩時。

宗子相報。盧子明云。歸卧湖南。辱足下携尊夜訊。酒酣作賦。白雲滿天。聽鴻雁之杳茫。把梅花而嘆息。奇篇佳藻。江山共留。屠赤水與友云。足下姿采適上。胸中五岳行轉。陰森龍人如對。高僧于青松。白雲間談無生妙理。曠焉幽絕。

郭青螺柬李令公云。尋常官去。只作等閒。未有若我令公。今日蒼頭皓首。卧轍攀轅。任三載餘。玉壺常注。冰雪汲海。濡毫借天。作紙寫不盡我清致。今日玉佩朝天。祇恐留在丹墀。須念萬里蒼生仰望。問山不語。問水無言。但願天邊日月清光。有意再來。照我東泚。

宋秉軸復傅宜外云。雙鳧一別。桂菊兩新。門下冰蘂素靄。河清雅望。政朝廷所需。豈若弟白鳳無緣。阿蒙如故。墨莊日削。范叔仍寒也。

虞邦譽與許贊勿云。我公葉軒冕。瀟灑歸來。尋竹徑。花欄之勝。賢二傅矣。第乾坤正。煩整頓。豈容久戀。猿窟耶。衮衣有賦。松桂無顏。一段東山趣味。自向蒼生流出也。北荆有便。勒候雲霄。

幸以近日偶筆。朔寄不佞。如白家老婢。能讀亦能解也。扇形刻製清香。龍人出入懷袖中。不啻夜光在握。

屠赤水與王麟洲云。每讀王無功賦。至古藤曳紫。寒苔布綠。洞裡窺書。巖邊對局。雜樹相絆。長條交如。葉動猿來。花驚鳥去。想見王先生標格。

虞邦譽寄陳春瀾云。萊陽之行。僕方祇役留都。未得高唱渭城朝雨。大是牽人。三楚諸勝。如黃雀赤壁。洞庭岳陽。七澤九疑。有足下驚人詩在。自不當面。嗟過湘靈。展旌神女。捧墨待仙。即題破筆頭花矣。

陳文燭與友云。山樓一圖懸之座右。南浦寒雲。西山朗月。時時照護。乃知摩詰凱之諸君子。品流高潔。故落筆有神。得此益增米家船之重。俞紹奇錢山人兩扇俱得妙染。臨風一拂。忽雲氣滿襟袖。

王百穀與馬姬云。丹陽道上塵。高于馬首。馬矢與吳大帝陵齊。有湘君西蘭在握。覺清芬灑狀。不知行旅之困。

谷李非元云。扇頭高咏。清芬習習。如春柳濯烟。秋潭浸月。無復人間火食氣。

陳文燭答吳明卿云。讀唱和雄篇。頓令煩襟爽然如洗。雙劍風烟一尊。而雪此意。輕千古矣。

中郎與錢象先云。扇頭諸絕。解妍如花。淡如秋蕊。翠如山之色。明媚如水之光。鄙薄不能屬和。奈何。

劉肩吾答陳季友云。佳作紫瑛為音。風清月涼。堪與瀑泉霍響。司奏不佞。拈梅檀一片。煖爐沸松展手讀之。不減南面玉象。

顧況稱朱拾遺云。朱君獨以烟霞風景。補綴添繡。如山添水。清中有猿嘯。溪新安山水。文魚彩石。歷歷可數。

祝無功與王汝寧云。僕生平重薦人。如司馬季主。唐舉之。流播手不欲聞。乃今有佳妙人在江湖間。何可不令足下知之。僕舊知王山人雅善詩畫。典意所至。森不可遏。隨筆點綴。便成奇品。

時方溽暑。想足下散髮不出。戶外遊之具。否能醉山人一斗酒。山人向壁間作徂徠之松。峨嵋之雪。天台之石。梁匡廬之瀑。布而足下。置身其間。空而清寒。煩襟頓豁。應感薦山人者。

王半偈與顧鄧州云。料公建小蘭若。短牆疎檻。翠色微之色。如染僕捫蝨其中。則忘牛羊下來也。願其聚沙良苦。視鉢中徒有一朵青蓮花耳。持疏叩公。如不吝。以黃金布地。當掃除落葉。

以紅瓊瑜覆之矣。

鬢髮似木葉經霜刀亂下

王百穀與友云。象先上人。結菴華頂。孤雲獨鳥。瓶鉢生苔。幸明公出宰官身護之。

中郎寄同社云。弟已令吳中矣。吳中得若今也。五湖有長。洞庭有君。酒有主人。茶有知己。生公說法。石有長老。但恐五百里。糧長來。唐突人耳。

又寄楊丈云。吳令甚苦我。苦瘦苦忙。苦膝欲穿。腰欲斷。項欲落。嗟呼中郎一行作吏。文雅多盡。夫有鳴琴。飛鳥。栽花。種柳者。不知此等有何工夫。作此閒伎倆。

素石公與邛長孺云。弟作令。備極醜態。大約遇上官。則奴候過。客則妓。治錢穀。則倉老人。諭百姓。則保山婆。一日之間。百煖百寒。乍陰乍陽。人間惡趣。令一身嘗盡。

王夢澤與余懋昭云。僕林居無營。為疎為懶。不敢為狂。為拙。為愚。不敢為妄。高竹林而醜其放。忠三閭而過其沉。智鳩夷而穢其富。每景物會意。輒命酒放歌。酒不盡。量歌不盡。調倦則偃卧。卧不為夢。復究心莊老。保愛性命。江湖乘興。漲則不舟。雅好雲。矯苔。滑磴。危鮮。不煖脚。青燈綠酒。相向色飛。苔指莓砌。鎮日相對。

谷吳司理云。嘗念古之隱者。非避跡夷門。則寄居梁廡。故扁舟裏。納技太湖山中。複嶺千尋。怒濤百變。松深竹冷。閉扉無人。粗以滌雪。浮氣而明。公比之徐南州。則說不敢置對矣。

屠長卿卷沈肩吾云。僕寒廊之夫。萬事飄瓦。一官雞肋。伊人即橫肆。貝錦。絕不瞋恚。此去鳥啼猿嘯。山靜水明。楊柳覆船。桃花夾岸。步可憐。故人當羨此行。無多設勞苦語。

史啓元谷友云。想兄雙荷擁葉。歌八瑯之曲。芙蓉帳煖。金谷風



國家圖書館, NATIONAL CENTRAL LIBRARY, TAIWAN, R.O.C.

流若弟兀坐窩齋。枯禪行徑。朝來濃雪。披綠萼。稱有晉人腸肺。
楊用脩謝應容菴云。脩葺書院。寔出大命使。杜甫草堂無愁春。
兩陶潛柳舍有興。停雲盛德至矣。何日忘之。
駕湖杭渡相望盈可
任蘊結